

LIBER TERTIVS
DE QVIBVS
DAM
CONTROVERSIIS
CHRISTIANAE
RELIGIONIS

INTER CATHOLICOS ET HÆRETICOS NOSTRI
temporis agitari solitis.

AVTHORE DAVIDE CAMERARIO PRESBYTERO SCOTO.

AD ILLVSTRISSIMVM ET REVERENDISSIMVM PRINCIPEM
*Ioannem Garziam S. Romanae Ecclesiae Cardinalem
Melinum.*



CATHALAVNI.

Apud Iacobum Theuenym Typographum & Bibliopolam;
M. D. C. XXVII.



ILLVSTRISSIMO
PRINCIPI IO:
ANNI GARZI AE

S. R. E. CARDINALI MELINO,

SVPREMI D. N. VRBANI VIII. PAPÆ

in vrbe Vicario, ac sanctæ Inqui-
sitionis Præfidi,

DAVID CAMERARIVS PRESBYTER SCOTVS OBSEQVIVM



L I I S alia, Illustrissime Cardinalis, nuperrimè opuscula de-
dicaui, hunc enim honorem atque obseruantiam personarum ratio
dignitasque postulabat, atque singularis in me vniuersosque gentia
nostra homines beneficentia, quoddam grati animi pignus, & in-
signe optimo iure expetebat; Hæc verò de religionis controuersijs disceptationes sine
controuersia ad te tota conuerti debuerunt. Quò enim melius ac tutius diuerte-
rent? quàm ad eum qui summus sagacissimusque hæreson inquisitor, errorum
capitalis hostis, Romana auitaque veritatis acerrimus vindex, Christiana li-
bertatis vigilantissimus defensor & assertor, summorum trium Pontificum,
nunquam interupta perturbataque serie, esset Vicarius: cuius grauisimo iu-
dicio approbarentur, amplissima auctoritate confirmarentur, summissimoque præ-
fidio communirentur. Hunc igitur illarum quasi ingenitum ad te cursum impe-
dire tam mihi non libuit quam non licuit. Licuit autem nullo pacto. Vnde enim
illis aut firmitus præfidiū, aut clarius decus quàm ex te, sperarem posse contin-
gere? Tanta est enim tua in me beneuolentia, & tam insignis liberalitas, ve
hoc in opere dicando, beneficium non dare, imò ne reddere quidem, sed exiguum
duntaxat grati animi indicium obscure monstrare, & tuorum erga me merito-
rum non penitus senescentem memoriam significare me fatear. Nam quid aut in-
genium meum, aut scientia, quid industria potest elaborare, quod tua sit dignum
nobilitate, humanitati queat gratificari, coruscantis denique purpuræ maiesta-
tem merito non perhorrescat. Verum enim uero hæc vnde mihi metus suboriri de-
bere, te tuo, vt dicitur, pede non merienti videretur, inuicem animum meum de
tesumma & optima quaque cogitantem in spem certam inducunt, fore vt ante-

lucana hæc vigilia in lucem tam claram prodeant & diurnam, ut occasum necesse sit nunquam pertinere. Hoc mihi ipsum Aurum Melini (sic enim maiores tui, Ciceronis etiam tempore florentissimi nobiles dicebantur) nomen pollicetur. Melli illud quam affine! quam cognatum auro! Illud profecto huic opusculo immortalitatis scilicet nota perpetuitatem potendit: huius fulgor præclara quædam decora promittit & ornamenta. Quid quod Melini rebus gerendis nati potius quam educati, tot relictis annis, multa eaque diversa & maxima Christiana Reipublica tanta cum laude munera obierint? ut ea ipsa non tam familia tua dignitatem & splendorem attulisse, quam ab illa accepisse, Et vunc à te copiosissime haurire non iniuriâ omnes debeant sateri.

Profecto huic facile adducor, ut credam huic meo libro, aureum Melini nomen ipsa in fronte gerenti, multum auctoritatis esse accessurum: quippe in quem tanta nobilitatis vir, suæ gentis clarissimum sidus, benignos radios, intuendo, dignetur vibrare. Illum ergo ad patrocinium tuum sponte properantem sua, malui amplitudini tuæ consecrando, qualem qualem grati & obsequantis animi conciliare opinionem, quam manifestam in grati non dedicando suspicionem incurrere.

Vale.





PARS PRIMA.

CAPVT PRIMVM.

§. I.^{us}.

*QVÆNAM SIT VERA DEI ECCLESIA
IN TERRIS.*

DARI aliquam veram Christi Ecclesiam & nos supponimus, & non negant hæretici. Reliquum ergo est vt videamus quænam sit hæc Ecclesia. Dicendum autem, est veram Christi Ecclesiam eam esse, quæ Romana vulgo dicitur & Catholica, Romano Pontifici pro tempore existenti obtemperans. Nec posse vllam aliam congregationem, Sectariorum præsertim nostri temporis ab illa dissidentem in doctrinâ fidei, veræ Ecclesiæ nomine insigniri nisi falsò & temerè.

Conclusio hæc nostra, quoad vtramque eius partem est de fide, & probatur. Ac primò quidem quoad primam partem, quia Ecclesia Romana est vna, sancta &c. adeoque notis illis insignita, quæ veræ Ecclesiæ Christi sunt certissima indicia, ergo &c. Antecedens explicatur & probabitur quoad omnes suas partes paragraphis sequentibus. quoad secundam partem conclusio probatur, quia nulla alia congregatio præsertim Sectariorum nostri temporis, à Romanâ dissidens in doctrina fidei est vna, sancta, Catholica &c. Ergo &c. Antecedens cõstabit ex dicendis paragraphis sequentib⁹. Consequentia est euident.

§. 2.^{us}.

*AN VERBI DEI PRÆDICATIO ET LEGITIMVS
SACRAMENTORVM VSVS SINT VERÆ*

NOTÆ ECCLESIAE.

VT videamus an Ecclesia Romana sit vna, sancta, reliquaq; habeat veræ Ecclesiæ notas, videndū est 1. an notæ assignatæ ab heret.

tis sint verę notę. Existimauit Caluin⁹ l. 4. inst. 1. numero 9. quem sequuti sunt hæretici nostri temporis, hæc duo sufficere ad inueniendam veram Ecclesiam, esseque veræ Ecclesiæ notas. Contra hos tamen.

Certa verissimaque est sententia non esse hæc veræ Ecclesiæ notas.

Probatur primo. Si recta Sacramentorum administratio vera esset nota Ecclesiæ, in falsa Ecclesia non haberet locum, vel si haberet vera esset, non falsa. Sed in nostra Ecclesiâ locum habet, ergo &c. Maior perse patet. Minor probatur. Si in nostra Ecclesiâ non est recta Sacramentorum administratio, Caluinus & præcipui sectarij baptizati non erunt, cum in nostra sola sint baptizati, hoc autem aduersarij non concedent. Ergo &c.

Probatur 2. Nam notæ vt constat ex vi termini rem denotare debent, notam facere & distinguere, adeoque notiores & euidentiores esse debent ipsa re quam denotant. Nam si minus notę vel æquę ignotę essent qui per illas demonstraret, ignotum per ignotius, vel æquę ignotum probaret; quod certè non esset probare sed nugari: Syncera autem Sacramentorum administratio & legitima verbi Dei prædicatio non sunt notiores Ecclesiâ, vt consideranti patebit.

3. Probatur hæc non esse veras notas Ecclesiæ. Nam cæteras rejicere, & his duabus insistere Sophisticum est, & mera petitio principij, quantumlibet specioso verborum inuolucro obducatur. Hoc sic demonstro. Nihil enim aliud est Ecclesiam per has notas ostendere, quàm idem per idem demonstrare. Cum enim quæritur quænam sit vera Ecclesia, sensus quætionis iuxta seurinam & immediatam verborum significationem est iste, quænam sit illa congregatio fidelium quæ veram verbi & Sacramentorum administrationem habeat. Quando igitur Sectarij veram doctrinam & rectum Sacramentorum vsum tanquam Ecclesiæ notas obrudunt, quætionem ipsam fugiunt, & idem per idem quasi per gyrum acti demonstrant, nec interrogantem instruunt sed deludunt. Deinde hæ notæ pugnant contra illos, nam doctissimi illorum (inter cæteros Caluinus lib. 4. inst. cap. 3. sectione 4.) alunt Ecclesiam pastoribus carere non posse. Si ergo protestantium Ecclesiam vel vno hoc aliquando caruisse probauero, simul etiam non esse veram Christi Ecclesiam demonstro. Quod autem non semel sed sæpe id accideret, sic ostendo. Ante Lutheri & Caluini ab Ecclesiâ nostra Catholica discessionem, ne vnum quidem exemplum aduersarij proferre possunt, quo probent certum aliquem verbum & Sacramenta ritu protestantico administrasse. Signum ergo est non esse hæc veras Ecclesiæ notas. Vide

hacdere Briellium in Apologia protestantium pro Ecclesiâ Romana tractatu 2. cap. 3. sect. 11. Baltazarem Chanassium lib. 2. de notis Ecclesiæ cap. 1. Valentam in controuersia de vera Ecclesiâ cap. 19. & alios.

§. 3.^{us}.

ASSIGNANTVR SIMIL ET PROBANTVR VERÆ
ECCLESIAE NOTÆ ET PROPRIETATES.

Refutatis notis quas adferunt hæretici superest vt veras adferamus simul ac probemus. Dicendum igitur est Ecclesiæ Catholicæ veras notas has esse, vt sit clara & omnibus conspicua, vt nec sit vnius prouinciæ sed per orbem diffusa, antiqua, vt sit & appelletur Apostolica, vt in se habeat legitimam Pastorum ordinationem & vocationem, vt sit sancta, vt sit vna. Hanc propositionem per partes probabimus.

Prima pars, nempe quod debeat esse clara & conspicua. Probatur, quia claritas atque splendor Ecclesiæ ita in diuinis literis exprimitur, vt is hominum cæcus qui eo careat, Ecclesia Dei censi non posset. Hanc enim talem fore (psalmo 88. vers. 38.) Dauid in spiritu videbat, cum dixit in persona Dei Patris, *Et thronus eius sicut Luna perfecta in æternum: & testis in cælo fidelis.* Et rursus psal. 18. *In Sole posuit tabernaculum suum.* Id est in manifestatione posuit sanctam Ecclesiam, ait Augustinus expositione 21. post medium, & tractatu 2. in Epistolam Ioannis. Eiusmodi etiam Ecclesiæ notam Isaias cap. 12. Daniël cap. 2. Michæas cap. 4. significarunt veram esse cum Ecclesiam monti magno & conspicuo compararunt, qui nullo modo abscondi potest, vt in ea loca Hieronymus & Sanctus Augustinus tractatu 10. in epistolam Ioannis ante med. exponunt. Nec minùs perspicuè hæc eadem nota in nouo testamento exprimitur. Postquam enim Christus discipulos multa seorsum à turba docuisset, sic eos totius Ecclesiæ personam gerentes alloquitur. Math. 5. vers. 15. *Vos estis lux mundi, non potest ciuitas abscondi super montem posita.* Et Mathæi 24. vers. 23. *Si quis, inquit, vobis dixerit, Ecce hic est Christus, Ecce illic, nolite credere.* Et iterum, *Si dixerint vobis, ecce in deserto* (quasi vbi non est frequentia multitudinis, ait Aug. lib. de vniuersitate Ecclesiæ cap. 22.) *Nolite exire.*

Probatur iam secunda Ecclesiæ nota, videlicet quod non sit vnius prouinciæ, sed per orbem terrarum diffusa. Hoc euidens etiam est ex

diuinis litteris. Ac primum quidem de Ecclesiæ propagatione in psal. 18. habetur. *In omnem terram exiuit sonus eorum: & in fines orbis terræ verba eorum.* quem locum de Ecclesiâ intelligi locupletissimus testis est Apostolus Paulus ad Romanos 10. Deinde psal. 2. huius per orbem Ecclesiæ dispersionis promissio inuenitur. *Filius meus es tu, mox de Ecclesiâ subiicitur: Dabo tibi gentes hereditatem tuam & possessionem tuam terminos terræ.* Nemo Christianus, ait August. lib. de vnitæte Ecclesiæ capite 3. hanc hereditatem aliud esse quàm Ecclesiam vnquam intellexit. Et vt alia prætermittam, clarissima sunt illa noui testamenti loca quibus Apostoli Mathæi vltimo & alibi iubentur docere omnes gentes, prædicare (Marci 16.) Euangelium omni creaturæ, & Christi testes fieri, non solum in Hierusalem, & in omni Iudæâ & Samariâ, sed vsque ad vltimum terræ.

Probatur tertia Ecclesiæ nota, nempe quod debeat esse antiqua. Probatur autem, quia patres ad hæreses comprimendas & improbandas, hoc signo veluti Lydio lapide vsi sunt. *Qui estis vos* [inquit Tertulianus lib. de præscript. cap. 14.] *vnde, & quando venistis?* Et Hilarius lib. 6. de Trinitate, *Tardè* [inquit] *hos pûssimos Doctores aras nunc huius sæculi protulit: sero hos habuit fides mea.* Et Hieronymus in epistolâ ad Pammachium. *Cur post quadringentos annos docere nos niteris, quod ante nesciuimus? vsque in hunc diem sine ista doctrinâ mundus Christianus fuit.* Et contra Luciferum in fine, *Hoc ipso* [inquit] *quod posterius instituta sunt, eos se esse indicant, quos futuros Apostolus pronunciauit.* Quibus Patrum vocibus, vt olim hæretici vehementer vrgebantur, sic & nostræ tempestatis sectarios iure incessimus. Ecclesia enim deficere & errare non potest, ac proinde illa Ecclesia quæ tam recentem ortum habet post tot sæcula, huiusmodi esse nequit. Ac primum quidem diuinæ literæ abundè testantur. Nam Ecclesiam supra Petram ædificatam & aduersus eam ne portas quidem inferi præualituras in Math. habemus cap. 16. in eadem Christum futurum vsque ad consummationem sæculi habemus Marci 28. quam promissionē Apostolis factâ ad cæteros quoq; qui in Ecclesia pertinere diuus Augustinus, Leo vterque primus & secundus authores sunt. Paulus autem 1^o ad Timotheum clarè columnam & firmamentum veritatis appellat, veritas autem Domini manet in æternum.

Probanda nunc est quarta Ecclesiæ nota nempe quod sit Apostolica. Et ne ambiguitate vocabuli quisquam fallatur, sciendum est dum Ecclesiæ apostolicæ nomen tribuimus, Patriarchas aut Prophetas nos haudquaquam excludere. *Ædificata enim Ecclesiâ est super fundamentum*

mentum Apostolorum & Prophetarum, ad Hebræos 2. versu 10. Et quod Apostoli iam factum orbi nunciarunt, Prophetæ futurum aliquando prædixerunt. Dicitur autem Apostolica tum quia ab Apostolis per varias orbis partes propagata est, prout ad Romanos 10. versu 18. & psal. 18. versu 5. habetur, *In omnem terram exiuit sonus eorum.* Tum etiam quia primus fidelibus ab iisdem Apostolis tradita in Ecclesiâ perpetuâ successione conseruata est. Atque hinc fit, quod vnica via atque ratio, qua Ecclesiâ iam Apostolica ne sit cognoscatur, Episcoporum, atque Pastorum in eadem doctrinâ perpetua successio censetur. Quod cum Patres optimè animaduertent, ab hæreticis omnium ætatum atque temporum eam diligenter expetiuerunt. Et inter ceteros primus Tertullianus lib. de perscrip. cap. 11. Edant (inquit) *origines Ecclesiarum suarum, euoluant ordinem Episcoporum, ita per successiones ab initio decurrentes, vt primus ille Episcopus aliquem ex Apostolis vel Apostolicis viris, qui tamen cum Apostolis perseuerarent, auctorem habuerunt & antecessorem.* Cuius vestigijs & eius discipulus magnus Cyprianus lib. 1. pro epist. 6. ad Magnum ante medium insistens, contra Nouatianos argumento à successione deducto vitur *Si enim (inquit) apud Nouatianum est (Ecclesiâ) apud Cornelium Romanum non fuit, qui Fabiano Episcopo legitima ordinatione successit.* Idem facit Epiphanius hæresi 27. post medium, ipsosque Romanos Pontifices enumerat Idem denique Augustinus in psal. contra partem Donati post medium tomo 7, Numerate [inquit] *Sacerdotes primum ab ipsa sede Petri, & in ordine illorum patrum quis cui successeris videat.* Et epist. 164. initio, & contra epist. funda. cap. 4. *Teneas [inquit] me ab ipsa sede Petri Apostoli, cui pascendas oues suas Dominus commendauit, vsque ad presentem Episcopatum successio.* Hæc cum ita se habeant, videant hæretici quàm consentaneè cum Tertulliano (de præscrip. circa medi) petamus vt Episcoporum suorum ordines euoluant, & cum optato Mileuitano lib. 2. contra Parmen. vt suarum cathedrarum origines ostendant, qui sibi Ecclesiâ sanctam vendicant.

Quinta propositionis pars, nempe quod legitima Pastorum ordinatio & vocatio sit vera Ecclesiæ nota, probatur. Nam Ecclesiâ nequit esse absq; Pastoribus & Episcopis, vt egregie docet Diuus Cyprianus Epist. ad Puppian, qui Ecclesiâ definit esse plebem Episcopo aduocatam. Et Hieronymus contra Lucif. cum ait, Ecclesiâ non esse quæ non habet sacerdotes. Id quod apertè patet ex Paulo Apostolo ad Ephesios 4. versu vltimo, qui Christum dedisse Pastores & Doctores ad consumptionem Sanctorum in opus ministerij, docet Seruator etiam Ioan:

nīs 10. versu 12. gregem pastoribus destitutum necessariò perire. *Mercenarius* (inquit) *fugit lupus rapit & dispergit oves.* Episcopos autem huius gregis esse pastores patet ex capite 20. Act. Apostolorum versu 28. *Attendite vobis & universo gregi, quos Spiritus sanctus posuit Episcopos regere Ecclesiam Dei.* Hic tamen Pastores & vocari debent & ordinari. Neque enim quisquam sumit sibi honorem, sed qui vocatur à Deo tanquam Aaron. Ad Hebræos 5. versu 4. Et *Quomodo prædicabunt nisi mittantur?* Ad Romanos 10. versu 15. Ordinari autem non possunt nisi illà manu impositione, de quà Apostolus loquebatur 1. ad Timotheum 5. cum diceret, *Manus nemini imposueris.* Sed nec quæcunque & à quocunque adhibita manu impositione ordinationi sufficit, sed ea necessariò requiritur quæ ab Episcopis fit, quod cum vsus in Ecclesià conseruatus indicat, tum etiam vocabulum illud præbyteri in loco Pauli paulò ante allato, comprobatur, quod ceterum Episcoporum significare Chrysostomus homilià 14. in cap. 4. 3. ad Timotheum tom. 3. Theophilactus in commentarijs eius loci, OEcumenius & alij authores sunt.

Sexta pars nostræ assertionis, nempe quod Ecclesià debeat esse sancta probatur. Nam eatenus Ecclesià dicitur sancta, quatenus Christi sanguine tincta est. Præterea quia non nisi intra eius septa Sancti inueniuntur, vel denique sancta dicitur & verissimè, quia fides quæ Ecclesiæ membra inter se coalescunt, sancta sit & sacra. Hac ratione fideles in diuinis literis sanctorum nomine appellantur frequentissimè, vt act. 9. versu 13. & 26. versu 10. & ad Romanos 12. versu 13. Sunt & aliæ causæ quamobrem sancta dicatur Ecclesià. quibus prætermisiss obiter notabis non ideo sanctam dici, quod peccatores atque reprobos planè reiiciat, sed propter tres allatas rationes.

Septima propositionis pars, nempe quod vnitas sit Ecclesiæ nota, probatur. Nam in Symbolo eidem attribuitur, & in diuinis literis inuenitur. Hanc enim significat sponsus in Canticis cap. 6. vers. 5. clamans. *Vna Columba mea, perfecta mea.* Hanc etiam expressit Apostolus ad Ephesios 4. versu 4. cum dixit, *Vnum corpus, vnus Spiritus, sicut vocati estis in vnâ spe vocationis vestræ.* Ad hanc etiam vnitatem conseruandam datos à Christo fuisse Apostolos, Prophetas, Doctores Paulus Apostolus ad Ephesios 4. docet, *Vt occurramus (inquit) omnes in vnitatem fidei, ne circumferamur omni vento doctrinæ.* Atque hæc de Ecclesiæ notis dixisse sufficiat.

§. 4.^{us}.

OSTENDITVR PRÆDICTAS PROPRIETATES
HÆRETICORVM SYNAGOGÆ NON CONVE-
NIRE, SED ECCLESIAE CATHOLICÆ,
ROMANÆ, ET EAM ESSE VERAM
ECCLESIAM.

Prædictas proprietates & notas hæreticorum Synagogæ non conuenire per se euidens est. Et primam quidem illis non conuenire vel ipsi testes locupletissimi sunt. Nam eorum aliqui, tantum abest ut veram Ecclesiam illustrem faciant, ut prorsus inuisibilem constituent, quod tam fraudulenter faciunt & ad suum tegendum errorem, & Catholicorum obiectiones euitandas, quibus eos molestare solent, dum vbinam eorum Ecclesia totos mille & amplius annos latuerit, querunt. Iia Calvinus in præfatione inst. post med. Non parum à vero (inquit) aberrant dum Ecclesiam non agnoscunt: nisi quam præsentis oculo cernant. Et intra. Eremunt nisi Ecclesia Dei semper ostendatur. Et rursus in prologo contra Sotum. Quin potius permittamus Domino, ut quando ipse solus nouit qui suis sunt, interdum etiam Ecclesiæ suæ exteriorem notitiam ab hominum aspectu auferat.

Secundam etiam notam ipsorum Synagogæ non conuenire patet, quia nec fuit nec est per orbem diffusa. Hanc obiectionem si Sectarij fouere volent, ostendant oportet sectam suam longè latèque per orbem terrarum diffusam, quod nunquam valebunt, cum certum sit, eandem in paucis Septentrionis regionibus esse conclusam, mare nunquam pertransisse, in Africâ, Asiâ, præcipuis orbis partibus de eâ nunquam auditum. Quin etsi quod ablit, virus hoc pestiferum ad plurimas Provincias se diffunderet, non ideo magis esset Ecclesia, quoniam non vna protestantium est secta, sed tot tamque inter se pugnantes; ut magis à se inuicem, quàm à Catholicis in plurimis dissideant. Vnde pulchrè Augustinus docet lib. de Pastoribus cap. 8. Ecclesiam esse vbique; & hæresim esse aliquando vbique, sed Ecclesiam vnâ & eandem esse vbique, hæreses autem non easdem, sed diuersas, quæ se non nouerunt.

Tertiam etiam notam protestantium Ecclesiæ non conuenire probatur: Nam recenter exortam esse ipsorum Ecclesiam luce clarius est. Tempus enim & locum ubi orta, quis ei restiterit, quis eam damnarit, ostendere possumus. Cæpit enim Lutherus hæreses suas promulgare

anno 1517. Vvitenbergæ, qui subito vt exortus est, à Leone summo Pontifice condemnatus, ab Eckio, Cochleo, alijsque confutatus fuit. Vbi etiam cœperit Caluinus, & quo tempore certum etiam est, de qua re vide Hieronymum Bolfecum in eius vitâ. Quin & ipsi suam doctrinam nouam, nec semper fuisse testantur & fatentur, Apologiæ enim Anglicanæ verba sunt, *In medijs illis tenebris exoriri primum cœpisse, & lucere radium aliquem, ignota tamen & inaudita veritates, cum Martinus Lutherus, & Vdalricus Zuinglius præstantissimi viri, & ad illustrandum orbem terrarum dati, primo accessissent ad Euangelium.* Theodori etiam Bezzæ vox est, dum vitam Caluini describit, *Vni Caluino post Christum & Apostolos debere etiam veram & germanam de cœna Domini intelligentiam.* Sed quoniam se perimi protestantes alij animaduertunt, & Ecclesiæ suæ principium fateri esse Ecclesiam è medio tollere: aliam euadendi rimam commenti sunt: quæ tamen vsque adeo angusta est, vt dum transire satagunt, disrumpantur. Aiunt enim Ecclesiam suam semper fuisse cum sacræ scripturæ auctoritate nitatur, ac proinde nouam non esse: sed illam ipsam quam Christus fundauit, per multa sæcula latuisse incognitam. sed hoc est Ecclesiam Typhonij specum, aut Antichristi & non lucernam illam, quam Christus Mathæi 5. in candelabro positam ait, vt luceret omnibus qui in domo sunt efficere. Hoc est Ecclesiâ Aerij fingere, qui separatus ab omnibus Ecclesijs ac ciuitatibus, vt scribit Epiphanius hæresi 75. in syluis cum suis latitabat. Adde quod Ecclesiâ illa latens vel fidem suam profitebatur, vel non, si profitebatur non erat latens, sed manifesta, & talis aliqua professio fidei ab omnium ætatum scriptoribus memoriæ prodita fuisset. Si non profitebatur, certè Ecclesiâ Christi non erat: prædicatio enim fidei ipsorum sententia est vera Ecclesiæ nota, quæ si ibi fuit, fuit etiam & confessio fidei. Superest adhuc vnus euadendi modus, qui & ille aduersarius præcludendus est; fuisse nimirum in orbe Christiano per omnes ætates aliquot fideles notos & aspectabiles, qui eadem cum ipsis senserint, eos nimirum veram Ecclesiam extitisse. Sed contra hoc est. Et primum ab aduersarijs peto, quibus tandem argumentis hos extitisse omnium ætate canifectos comprobabunt? quænam sacramenta, quibus, & quando hæc Ecclesiâ ministravit? quam exercuit disciplinam? quibus & vbi verbum Dei prædicauit? quibus obstitit hæreticis? quas Synodos conuocauit? quæ templa ad religionis munus, aut ad doctrinam extruxerit scholas? sine enim his omnibus quænam Ecclesiâ esse potest? Præterea si qui tales extiterint olim etiam veniente Caluino &

Luthero extitissent, & proinde ipsis comparantibus ad illos conuolassent, eosque ut socios cognouissent, at non ita factum est. Nam omnes qui sunt Lutherani fuerunt ex nostris, & omnes qui sunt Calvinistæ fuerunt etiam ex nostris, antea, nihilque de noua illa Caluini aut Lutheri doctrinâ ante ipsorum aduentum cogitauerunt. Si autem qui retroactis temporibus extiterunt, hæretici ipsi, ut modo protestantes, habiti sunt, ut Marsilius de Padouâ, Viclef, Hus, Hieronymus Apraga, quos suos esse volunt Melanchton, & Fulcus, qui tam pauci tamen sunt, ut non ante multos hos annos, quâ ratione ex ijs, Ecclesiam suam semper fuisse asserant, planè non intelligo præsertim cum in plurimis ab ijs dissenserint.

Quartam Ecclesiæ notam hæreticorum Ecclesiæ non conuenire, nempe non esse illam Apostolicam euident est. Neque enim in ipsorum Ecclesijs quis cui successerit valent demonstrare. Sed Lutherum priuitttembergæ, Caluinum Genæ, OEcolumpadium Basileæ exortos fateri coguntur, qui omnes nemini succedentes à seipsis ordinati sunt, ut de Nouato scribit Cyprianus lib. 1. pro epist. 6. ante med. de se nasci voluerunt, ut de Donatistis scribit Optatus lib. 1. contra Parmen. ac proinde ad Ecclesiam pertinere non possunt, nec suam doctrinam ab Apostolis habere. Adde quod cum Lutherus & Caluinus se ex Ecclesiâ proripuerunt, in istis duabus urbibus Episcopi Catholici, qui Apostolicis viris successerant, residebant. Sed aiunt hæretici successionem Pastorum tum demum veram Ecclesiam arguere, si cum successionem veritas religionis retineatur non aliter.

Quasi verò vel nos in præsentia, vel longè ante Patres, qui hoc argumento successionis perpetuò vsi sunt, veritatem fidei à successionem Episcoporum seiunxerint. Illud interim certum est Episcoporum successionem & Pastorum ad veræ Ecclesiæ constitutionem requiri, quamuis sola non sufficiat, adeo ut ubi ea desit, sicuti iam apud protestantes deesse conuincimus, ibi vera Ecclesia residere nulla ratione queat. Neque enim vera doctrina absque Doctoribus consistere, neque oues absque pastoribus longo saltem tempore superesse valent. Christus enim dedit pastores & Doctores ad ædificationem corporis sui, donec occurramus omnes in unitatem fidei & agnitionis filij Dei, ut habetur ad Ephesios 4. versu 11. Et sicut Eutaxia atque ordo in regno absque rege & legum custodiâ absque principe durare diu non potest, ita nec in Ecclesiâ Hierarchia illa prorsus Ecclesiæ necessaria, & doctrinæ integritas, atque incolumitas absque Episcopis consistere potest, quod ipsum

ratione conuictus Calvinus aperte fatetur lib. 4. inst. cad. 8. numero 4. *Sequuntur* (inquit) *Pastores & Doctores quibus caveri nunquam potest Ecclesia.*

Quintam Ecclesiæ notam, nempe legitimam Pastorum ordinationem & vocationem ipsorum Ecclesiæ non conuenire probatur. Nam cum à nobis probatum sit ad Ecclesiæ constitutionem Episcopos & Pastores requiri, & quidem huiusmodi, qui à Deo missi sunt, imò & vocati legitimè ac ordinati. Illud à Luthero, Caluino, Knoxio, Crammero & protestantibus omnibus querimus: quis eos ad nouam Ecclesiam erigendam miserit & vocarit? Non enim cuiusuis est operarios in vineam Domini mittere, si autem se millos & à Deo quidem vocatos dicant, tum ulterius & illud interrogamus: Hęc eorum vocatio atque missio ordinariæ sit an extraordinariæ; extraordinariam si responderint, vt Beza in colloquio Possiaco anno 1562 & Ministri Geneuenses in tractatu de Ecclesiâ cap. 5. huius suæ missionis testimonium exquirimus. Cum enim lex Deuteronomij 17. versu 6. vetet vnus hominis testimonio, quod aduersus alterum fertur, adhiberi fidem, ac multò minùs ferendum sit, vt cuiquam in suâ causa credatur, oportet eum qui se à Deo missum asserit, habere testimonium aut planè diuinum quod supra naturam sit, aut certè humanum quod stet in ore duorum, aut trium testium, alioqui non Dei nuncius & Apostolus, sed diaboli legatus iure optimo censebitur. Adde quod Christus Seruator noster quamuis vnigena esset Dei, non putaret satis esse, vt diceret se missum à Deo Patre, nisi etiam per miracula & ipsas etiam diuinas literas id ipsum comprobaret, vt videre est Ioannis 5. & 6. 39. Præterea qui mittuntur extra ordinem non possunt in doctrina sua errare vnquam aut labi. At Lutherus & Calvinus tam turpiter lapsi sunt, vt ipsorum discipulos aliquos errores ipsorum defendere puduerit. Si ordinariam dicant, citabimus illos ad successionem ostendendam, & ab illis cum Tertulliano lib. præscrip. cap. 31. exigemus vt edant origines Ecclesiæ, euoluant ordines Episcoporum suorum.

Sextam Ecclesiæ notam hereticorum Ecclesiæ non conuenire, clarum est. Nam protestantium dogmata non sancta sed prorsus impia sunt. non potest melius probari quàm ea in medium afferendo quæ sanctitati fidei repugnant: illos autem talia dogmata habere luce clarius est. Nam in primis Calvinus lib. 3. inst. cap. 11. 14. 17. & 18. solam fidem iustificare tenet. Addit fidem semel habitam non posse amitti, quæ doctrina ad omnia scelera portam aperit patentissimam. Quæro enim à Caluino num fide hac instructus possit fornicari vel non. Si dicat non

posse, contradicit experientia, alijsque suis paradoxis, quibus docet hominem non posse vitare peccatum & iustissimum in omnibus operibus suis peccare mortaliter. Si dicat posse, peto num hoc peccatum fidem expellat vel non. Si affirmet, sibi contrarius erit, quia vt vidimus. Docet fidem semel habitam non posse amitti; & ulterius fateri cogitur fidelem per singula peccata: imò per singula opera quæ apud ipsum peccata sunt fieri infidelem. Si neget, vt certè negare debet, cum dicat veram fidem amitti non posse, sequitur eum adhuc & quæ iustum esse ac prius, quia adhuc retinet fidem quæ sola iustificat: adeoque nulla peccata nocere possunt illi qui fidem retinet, quod exprèsse concedit Lutherus lib. de libertate Christiana.

Secundò idem Calvinus lib. 3. instit. cap. 14. & 16. tenet nullum peccatum imputari fidei: quis igitur fidelis peccatum timebit? Docet etiam mandata esse impossibilia lib. 2. instit. cap. 7. quis igitur ea implere contendet? Docet Deum authorem esse peccatorum lib. 1. instit. cap. 17. 18. & lib. 2. cap. 4. & lib. 3. cap. 23. & libro contra libertinos. quis igitur peccata erubescet, quæ non minus sunt Dei quàm hominis opera? Docet voluntatem nostram necessariò peccare, hominemque nullum prorsus habere liberum arbitrium lib. 3. cap. 23. docet nullum ab homine quantumvis iusto bonum opus fieri vel exerceri posse, lib. 3. cap. 14. cui ergo suaderi potest euitare quod se vitare non posse credit? Docet Christianum liberum esse ab omni lege lib. 2. cap. 7. & lib. 3. cap. 19. Culus ergo animum scrupulus alicuius legis siue diuinæ siue humanæ torquere potest, quando se nulla lege in conscientia teneri profiteatur.

Septimam seu ultimam Ecclesiæ notam hæreticorum synagoga non conuenire probatur. Nam de hæreticis quod Tertullianus lib. de prescriptionibus de Valentinianis & Marcionitis scribit, audacter pronuntiamus, *Mentiamur si non à regulis suis variant inter se, dum vnusquisque perinde suo arbitrio modulatur quæ accepit, quemadmodum ex arbitrio ea composuit ille qui tradidit.* Idem licuit Valentinianis quod Valentino, Marcionitis, quod Marioni (seu Lutheranis quod Luthero, Calvinianis quod Caluino] de arbitrio suo fidem innouare. De nostro autem adijcimus, mentiamur, si non inter se discordes, cum præcis hæreticis vnanimis, cum tota antiquitate pugnantes, & in patres contumeliosi existant: quæ ne à nobis asserta potius quàm probata videantur singula, singula principio ab eo quod extremo loco posuimus, sumpto demonstremus: ac Lutherus quidem eorum non modo doctrinam reprehendit, sed etiam co-

uitijs onerat & infectatur. Ait enim lib. de seruo arbitrio, *Patres tot sæculorum planè cecutisse, imperitissimos fuisse sarrarum literarum, tota vi 2 errasse, & nisi ante mortem reducti fuerint; neque sanctos fuisse, neque ad Ecclesiam pertinere.* Et lib. de colloquijs mensalibus apud Aurifabrum. *Hieronymus fides & vera religionis ne semel quidem in suis scriptis meminit, Originemiam olim excommunicauit, Chrysostomum nullo modo habeo, nihil est enim nisi loquaculus Basilus planè nihil valet, totus est monachus, ego ne psi illum facio.* Apologia Philippi superat omnes Doctores & ipsum Augustinum. Tandemdem de Patribus habet homo omnium maledicentissimus Ioannes Calvinus qui lib. 4. instit. cap. 22. sect. 9. Patres quædam superstitionis semina iecisse & occasionem tyrannidi, quæ postea exorta est, præbuisse, non dubitat asseuerare de libero arbitrio (lib. 2. cap. 2. sect. 9.) quod cum Ecclesia docuerunt, frigidam & deformatam Theologiam ait tradidisse, in doctrina de satisfactione (lib. 3. cap. 4. sect. 38.) errasse turpiter, in oratione (lib. 9. cap. 5. sect. 10.) pro defunctis: & mandato Dei & legitimo exemplo destitutos fuisse. Hæc & similia de his nebulonibus referre piget & pudet cum pigres ne audire quidem sustineant. Verùm in his omnibus quid faciunt quæso aliud quàm nostram Ecclesiam, cum primitiua illa eandem suam artem patribus ut dissentientem, aliam atque diuersam ostendere? Quod autem hæreticorum Ecclesia vna sit cum hæreticorum veterum Ecclesijs patet, quia eorum errores reuocauit ab inferis eorum sequitur doctrinam, exosculatur errores, Ac in primis solam fidem ad salutem satis esse volunt, in eaque iustitiam consistere: quod idem & Simon Magus apud Irenæum lib. 1. contra Val. cap. 20. & etiam Eunomius apud Augustinum hæresi 54. voluerunt. Reiciunt sacrum Chrisma, reiecerunt & Donatistæ & Nouatianistæ teste Augustino lib. 3. de hæreticorum fabulis: Sanctorum cultum, reliquias, & imagines non tolerant, nec Vigilantiuste teste Hieronymo contra Vigilantium Orandi & sacrificandi pro defunctis consuetudinem infectantur, infectati sunt Aeriani, Xenaias, & Armeni apud sanctum Damascenum lib. de hæres. Nicephorum lib. 16. hist. cap. 6. & alios. Negant & execrantur Missæ sacrificium, negarunt & execrati sunt Petrobusiani apud Petrum Cluniacensem libro de sacrificio Missæ. Verba Dominicæ cœnæ ad tropum symbolumque referunt, & manducationē spirituale vrgent, & retulerunt & vserunt Berengarius, & Vicleuistæ, &c. Quod verò hæretici nullam vnitatem fidei inter se habeant, sed planè sint discordes patet, nam se inuicem oppellant hæreticos, Lutherani Calvinistas, alij alios, ut fusiùs videri est apud

est apud Gasparum Vlenbergium in 11. causâ cap. 10. Placet tamen aliqua ex illis hic commemorare, ac in primis Lutheranorum iudicium de Sacramentarijs, ex libris ipsorum depromptum commemorabo. Zuinglium (qui post Carlostadium huius sectæ Princeps & auctor est) Lutherus [tom. 3. Ien.] per contemptum quasi falsè ridendo magnum Christophorum atque Gigantem Tigurinum, superbumque heroa vocat; quin publicè de illo scribit in confessione de cœna Domini, item in libro quod verba cœnæ adhuc firma stent &c. *Quod contumaciter & malitiosè contra Dei verbum agat; quod peruersus euaserit, ut eum tanquam notorium hæreticum sugere oporteat: quod Christum penitus amiserit, neque de illa Christianæ religionis parte rectè doceat, &c.*

Sic & Calvinum Lutherani. Inter alios Ioannes Schuitz in serpente antiquo, item 30. caulis &c. Et Alberus contra Carlostadianos vocant Tumultuosum spiritum, veteratorem? nebulonem, sophistiam Schuernerium, seductorem omnium astutissimum & callidissimum; qui nouum loquendi modum ex inferno protulerit, & plus damni dederit Euangelio, quàm omnes qui ante eum Sacramentarij fuerunt: qui diabolorum plenus, atque à maligno spiritu inebriatus fuerit; serum atque furiosum Schuernerium, mendacem vanumque hominem, deprauatorem ac corruptorem scripturarum, qui peruerat Dei verbum, & sacram scripturam fletore suo commaculet, in eaque noti secus agat, quàm sus in botro amœnissimo, &c.

Iam audiamus Caluini & aliorum de Lutheranis iudicium. Calvinus igitur in libellis contra Ioachinum Vvestphalum Hamburgensem Lutheranos depingit, ubi Vertiginosos homines, Cyclopes, superbam satisfactionem Gigantum, latratores freneticos, bestias, proteruos, fastuosos & pertinaces appellat. Huc pertinet & Ioannis Campani testimonium, qui de Luthero confidenter ait. *Quàm certum est Deum esse Deum, tam est certum Lutherum diabolicum esse doctorem.* Idem est iudicium Memnonis, Simonij, & aliorum.

Eodem modo inter se certant Calvinistæ, Armeniani cum Gommariis, Gommariistæ cum Armenianis, Puritani cum alijs, vt omnibus notum est: Puritani enim (vt alia omittam) teste Bancosto in libro periculorum propositionum, & Succisso etiam in responsione ad calumniosos articulos vocant Cantuariensem Pseudoepiscopum, principem demoniorum, Caipham, Esau monstrosum, Antichristianum Papam, & bestiam, &c. Denique vix vllus Calvinista inuenitur, qui Calvinum in omnibus sequatur. Cùm igitur vt vidimus, inter se hæretici dissentiant, quis alius exitus expectandus est, nisi quem prædixit

notauit Gordonius 1. tomo controuersiarum, vt illud coegerit Caluinū lib. 4. institutionum cap. 2. sectione 1. fateri hoc ipsum quod docemus ex sancti Pauli verbis liquidò conuinci. Si fundamentum (inquit) Ecclesia est Prophetarum & Apostolorum doctrina, illam doctrinam tolle: quomodo amplius acificium constabis? Tertium absurdum est quia falsum esset symbolum Apostolorum in quo credimus sanctam Ecclesiam Catholicam: nam sancta esse non potest illa quæ fide caret, quæ impia docet, & quæ cogit homines ad Idololatriam.

Secundò probatur Ecclesiam non posse errare duplici ex capite. Primū ex apertâ contradictione & repugantiâ, quæ est in Sectariorum doctrinâ, nam dum contendunt veram Ecclesiam errare in fide re verâ nesciunt quid dicant. Illa enim sola est vera Christi Ecclesia, quæ Christi nomen & synceram fidem retinet. Illa autem falsa est Christi Ecclesia, quæ nomen duntaxat Christi proficitur, sed in fide Christi errat. Dicere igitur veram Ecclesiam Christi errare in fide, est dicere veram Ecclesiam non esse veram sed falsam, quæ planè sunt pugnantia. Secundum caput est ex concessis ab ipsis aduersarijs, nam communis eorum doctrina est notas seu signa veræ Ecclesiæ esse synceram prædicationem verbi Dei, & legitimam administrationem Sacramentorum, sine quibus docent veram Ecclesiam consistere non posse. Necessè est ergo vt admittant veram Ecclesiam in fide & fidei prædicatione non errare, neque enim potest Ecclesia illa syncerè prædicare verbum Dei quæ in fide & fidei prædicatione turpissimè eriat.

Tertiò probatur ex Ioannis 14. *Ego rogabo Patrem meum & alium paraclytum dabit vobis.* Ioannis 17. *Pater sancte serua eos in nomine tuo, quos dedisti mihi.* Ex quibus locis habemus Spiritum sanctum non deserere Ecclesiam, sed Spiritus sancti ministerio illam regi. 1. ad Timotheum 3. Ecclesia dicitur columna & firmamentum veritatis. Quomodo ergo potest errare?

Ex his probatum manet Ecclesiam non posse errare, superest iam vt videamus an possit esse inuisibilis. Non posse breuiter sic ostendo ex Isaie 67. versu 8. & 9. *vbi ait Dominus, Fœdus perpetuum seruiam eis & scient (id est scietur Hebraica phrasi) in gentibus semen eorum in medio populorum: omnes qui viderint eos cognoscent illos, quia isti sunt semen cui benedixit Dominus.* Vbi apertè dicitur quod omnes etiam gentes infideles, cum primū aspicient Ecclesiam cognoscent illam facillimè ex beneficijs ipsi à Deo collatis. Caluinus ipse in hæc verba Isaie agnoscit hoc dici de Ecclesiâ: & addit neque semel tantū hoc impletum esse, sed quo-

tidie impleri. 2. Sic disputo contra Sectarios. Perinde est asserere Ecclesiam esse inuisibilem, & asserere prorsus eam interiijssè, quod est absurdissimum. Quod perinde sit facile ostenditur, Nam inuisibilis ista Ecclesia quam ponunt Sectarij, nulli prodesse potest, cùm illa à nullo agnoscatur nisi à solo Deo: iuxta illud Apostoli, *Cognouit Dominus qui sunt eius.* Solos enim prædestinatos volunt aduersarij ad hanc inuisibilem Eccl. pertinere, qui soli Deo noti sunt, cæteris omnibus ignoti. Huc etiam spectat quod non potuerint illi esse sancti & prædestinati, qui fuerunt tot sæculis elapsis in illa inuisibili Ecclesiâ, ad quam confugiunt Sectarij: nam isti (si qui fortasse fuerunt) neque ausi sunt Christum publicè confiteri, nec Euangelium palam prædicare, sed metu humano percussi, omnia fucatè, simulatè, & per hypocrisisi egerunt ne proderentur, aut ab alijs agnoscerentur. Porro expressè dixit Christus, *Qui me erubuerit & meos sermones; hunc filius hominis erubescet cùm venerit in maiestate suâ.* Lucæ 9. versu 16.

§ 2.^{us}.

OSTENDITVR S. PETRVM SUPER OMNES
APOSTOLOS PRINCIPATVM GESSISSE, FVISSEQVE
ECCLESIE CHRISTI CAPVT.

SANCTUM Petrum Apostolorum fuisse Principem, & veræ Ecclesiæ caput euidenter probari potest ex illo Mathæi 16. *Tu es Petrus, & super hanc Petram ædificabo Ecclesiam meam.* Quibus verbis promittit ædificaturum se Ecclesiam suam super Petrum. Ædificare autem Ecclesiam suam super petram Petrum nempe, nihil aliud est quàm Petrum tanquam fundamentum in Ecclesiæ ædificio constituere: quod tanquam saxum immobilitate (vt ait Ambrosius sermone 47.) totius operis Christiani compagem, molemq; contineat. Si autem fundamentum Petrus primum profectò locum in ædificio habere debet (à fundamento enim incipit Dominus) is à nullâ etiam ædificij parte dependebit, ab ipso tamen vniuersæ; vt quæ eius opes subsistant, inuicemque aprè cohzreant. Petro igitur tanquam basi nitentur huius ædificij columnæ, & robora Apostoli videlicet cæteri, non modò partes minutiores, alij nimirum Pastores, ouiumque tota multitudo. Hanc amplissimam potestatem quam hic Christus Dominus sancto Petro promittit cælos consensurus tradidit, *Pasce (inquiens) oves meas.* Quæ verba cùm ter

Petrus in se amorem variâ interrogatione explorasset, ter quoque repetijt, ne quem gregi suo præfici vellet, dubitari à quopiam posset. Ut autem constaret se neminem etiam Apostolorum ex ouium numero eximere præcipuis Apostolorum præsentibus & audientibus eadem ad Petrum proloquutus est. Deinde pascendi vocabulo usus est, ut illud ipsum, quod ante promiserat, neque minus se Petro iam dare significaret. Idem enim est Pastor erga suum gregem, quod Petra erga reliquum ædificium: nam ille gregem regit & à ferarum immanitate defendit, & ista ædificium sustentat, ne vi ventorum aut aquarum impetu ruat.

Denique ut alia omittam sancti Petri principatus clarissima testimonia in rebus ab eo gestis clarissimè cernitur eius Principatus, & quidem actorum 1. cum ipse congruum ac rationi consentaneum esse iudicasset, ut in locum Iudæ aliquis sufficeretur, habuit super ea re concionem ad reliquam tum nascentis Ecclesiæ multitudinem: atque id ipsum fieri debere ostendit. Quod factum exponens Chrysostomus homiliâ 3. in act. Luc. 12. *Quam agnoscit [inquit] sibi creditum à Christo gregem! quàm in hoc choro princeps est, & ubique primus omnium incipit loqui! Et tu aliquando conuersus confirma fratres tuos.* Verum, inquires, si primus Petrus, cur id sibi non sumpsit, ut aliquem ipse sufficeret solus, sed ad socios rem totam retulit? Huic tuæ dubitationi satisfaciet idem Chrysostomus homiliâ 3. in act. 31. in Math. *Quid, inquit, an non licebat ipsi Petro eligere? licebat & quidem maximè: verum id non fecit ne cui videretur gratificari.*

Huic confine est & illud quod Petrus primus omnium, Act. 2. accepto Spiritu sancto concionatur poenitentiam, & Ecclesiam verbo Evangelij fundat, ut notauit Ambrosius sermone 47. & post eum Euthymi⁹. Vbi etiam & illud aduertendum, quod separatim à cæteris exprimitur. *Stans* (inquit scriptura) *Petrus cum duodecim.* Quod etiam alibi contingit, ut Mathei 16. act. 5. 1. Cor. 9. act. 3. Cur ita seiungeret eum scriptura à cæteris, si non maior in eo quam in ceteris fuisset auctoritas? Multa alia argumenta clarissima omitto, quæ apud recentiores fusiùs videri possunt.

§. 3.^{us}.

PROBATVR NON MINVS VNIVERSÆ CHRISTIANÆ
ECCLESIAE ALIQVEM PRÆESSE DEBERE, QVAM OLIM
PRÆFERIT SANCTVS PETRVS,
Vbi etiam ostenditur talem esse Pontificem Romanum.

Calvinus libro 4. institutionum cap. 6. sectione 8. vi veritatis (pugnax alioqui atque acer) victus, tandem hæc verba extulit. Verum ut de Petro (inquit) illis concedam quod petunt, fuisse scilicet Apostolorum Principem, & dignitate ac primatu reliquos antecelluisse (quomodo id negare potest homo qui Christum non fuisse mentitus sibi persuadeat) non est tamen causa cur ex singulari exemplo vniuersalem regulam faciant, & quod semel factum fuit ad perpetuitatem trahant. Cuius hypotheseos ut pars prior est verissima: ita posterior falsissima: sunt enim rationes grauissimæ, cur quod semel in Petro diuinitus factum est, perpetuum sit & perenne: & permaneant quod in ipso Christus instituit, ut sancti Leonis verbis utar sermone 2. de assump. suâ ad Pontif. Quemadmodum permanet quod in Christo Petrus credidit. Et quidem in primis illud à Caluino scire percipio, cū hanc regulā in sacris literis explicandis retinendā negare nequeat: ut quæ Dominus Apostolis cōmendauit æquē congruentia fidelibus vniuersis, eadem futuris Christianis omnibus commendata sint, ut illud Mathæi 13. *Qui habet aures audiendi audiatur: estote prudentes sicut serpentes*, Et pari ratione quæ Dominus Apostolis loquutus est, ad ipsos quidē spectantia quatenus Ecclesiæ sacerdotes, hæc non ad fideles omnes, sed ad reliquos in Ecclesia futuros sacerdotes, referuntur, ut illa Ioannis 20. *Quorum remiseritis peccata, remittentur, &c.* cū inquam hanc regulam obseruandam in vniuersum sentiat, cur non eandem in ijs, quæ ad Petrum à Christo dicuntur exponendis sequitur. Ita ut quæ Petro cum cæteris fidelibus congruunt, ut illud Mathæi 18. *Si peccauerit in te frater tuus, corripe illum &c.* Iisdem quoque communia sint: Quæ autem eidem ut Apostolorum Primati & Ecclesiæ Pastori propria, cuiuspiam etiam posterorum qui Petro succedat, accommodentur, ut illud Ioannis 21. *Pasce oues meas*, & alia his similia quibus iam ostendimus Petrum à Christo in Ecclesiā Principem constitutum: aut assignet rationem aliquam cur in illis hæc regula sequenda sit, in his verò minimè? si assignaret, vicerit; sin minus assi-

gnare poterit (vtrè verà non poterit) victus est: & contrarium eius quod asseruit, iure optimo affirmabo, causâ esse videlicet cur ex singulari exemplo vniuersalè regulâ faciamus, & quod semel factum fuit in Petro ad perpetuitatem trahamus. Premamus adhuc amplius. Petro dicitur, *Pasce oues meas*. Pastor, eius officij nomen est, quod tamdiu omnino perdurat, quamdiu ipsum ouile ratione cuius pastor dicitur. At hoc perpetuum est & perenne, pastor ergo perpetuus quoque debet esse & pereunis. Præterea pastoris vocabulum non extraordinariam quamdam regendi potestatem [vt Prophetarum, Euangelistarum, Apostolorum communiter] certis solum temporibus necessariam atque congruam notat, sed ordinariam. Quæ autem ordinaria sunt, omnium consensu per successionem ad posteros transmittuntur. Cum igitur verissimum esse à nobis supra sit probatum, pastoris vniuersalis munus soli Petro illis verbis, *Pasce oues meas*, esse commissum, quâ fronte negare potest Caluinus, illud officij genus in vnum quempiam esse translatum posterorum, perpetuis temporibus permansurum, tamdiu scilicet, quamdiu oues Christi in terrâ perdurarint.

Præterea Petri fidem Christus stabilivit ita vt nunquam deficeret, vt possit fratres suos confirmare, & roborare, Luc. 22. Fratres autem Petri non solum Apostoli, sed etiam omnes fideles fuerunt, & proinde à Petro confirmandi. At Petrus non potuit omnes præsens confirmare, vt pote mortuus: per successorem igitur hoc præstare debuit. Si quis tamen nomine fratrum Apostolos solos intelligat, quos Petrus confirmare debuerit, argumentum adhuc vim suam obtinet. Neque enim hac confirmatione Ecclesia præsens minùs indiget, quàm tum Apostoli indigebant, imò verò & multò magis, vt pote quæ pastores, nec tum in fide, vt Apostoli fuerunt, constantes, nec tanta vitæ sanctimoniâ conspicuos habeat.

Accedit quod si in Apostolis, qui primitias spiritus acceperunt, vt vnitas seruaretur, capite opus erat, multò magis id ipsum necessarium erit in Ecclesiâ per orbem terrarum longè latèque diffusa, præsertim cum dubitari non possit, quin Apostoli sic fuerint gratiâ Christi roborati, vt vnitatem eam, quæ planè necessaria esset, conseruare haud difficulter possent.

Ex his probatum manet non minùs iam Ecclesiæ Christi aliquem præesse debere, quàm olim præfuerit S. Petrus. Quod autem is sit Romanus Pontifex, euident est eadem nimirum ratione, qua Episcoporum omnium, quotquot per orbem terrarum longè latèque diffusi sunt, iu-

rifdictio, & in alios potestas perquiritur, ordinaria videlicet & legitima in eadem Episcopali cathedra successione, quæ ex perpetuo Ecclesiæ vsu & consuetudine tantum subsequenti conciliat auctoritatis, quantum qui præcessit obtinuit. Despiciendum igitur est quis D. Petro in cathedra Episcopali successerit, ut quænam eiusdem in Ecclesiam vniuersam à Christo concessa maneat auctoritas, intelligamus. Inter Antiochenum Episcopum & Romanū lis tota est: quæ facile tamen dirimitur, & Romano (etiamsi cum suis gregalibus disrumpatur Caluinus) manet victorla. Nam vt omittam illud, quod sanctus Marcellus affirmat epistola 1. ad Antiochenos, Anacletus in epistola ad omnes Episcopos & præbyteros 3. Hieronymus in libro de viris illustribus, tractans cursum vitæ Apostolorum Principis, Damasus in vitâ D. Petri & alij Petri sedem iubente Domino Romam esse translatam (quod minùs mirum videbitur ei qui Ecclesiam Hierosolymitanam vt in ciuitatem Pellam transferrent, voce Domini admonitos apud Eusebium lib. 3. historiæ cap. 5. Epiphanium & alios.) vt inquam hoc præteream Antiochenus agnoscit Romanum Pontificem esse Petri successorem, & proinde faciliè passus est se Romano Pontifici postponi, quod semper est obseruatum: & Nicæna Synodus Canone 6. ratum atque firmum manere voluit.

Sed si negare vellet, habemus pro nobis totius orbis consensum, qui Romanum Pontificem Petri successorem perpetuè confitetur. Vnde in concilio Ephesino 1. vocatur Cælestinus Pontifex ordinarius D. Petri successor: in Calcedonensi sanctus Leo Papa dicitur Principis Apostolorum præditus dignitate.

Hinc est quod Prisci illi Patres Romanorum Pontificum frequentissimè texentes seriem vsque ad sua tempora ad hæreticos redarguendos à Petro semper ordiuntur. Irenæus lib. 3. contra Valen. cap. 3. Optatus Mileuitanus lib. 2. contra Parm. Epiphanius hæresi 27. Augustinus lib. 1. epist. 1. lib. 4. Epist. 2. & alij. Quid? quod D. ipse Petrus, ne dubitari à quopiam posset Romanum Pontificem suum re vera vnicum atque solum esse successorem, Clementem, iam morti vicinus, Romanum Episcopum ordinauit? Quod idem testatur Clemens E. 1. ad Iacob. & lib. 7. constit. capite vltimo.

CAPVT TERTIVM.

§. I. ^{us.}A QVO PETENDVS VERVS SACRÆ
SCRIPTVRÆ SENSVS.

DE rectè indaganda verà & germana scripturæ sacræ interpreta-
tione præsens est quæstio, in qua hæretici varia docent.

Sarauia protestans in defensione trad. &c. ait Spiritum sanctum qui
Ecclesijs præsidet, verum esse scripturarum interpretem, ab eoque pe-
tendam esse veram scripturæ interpretationem.

Rollocus lib. de vocatione efficaci videtur asserere non esse opus aliâ
luce, quàm quæ est ipsius scripturæ propria ad scripturæ verum sensum
dignoscendum. Alij alia docent, & vnus quidem plures, àlius paucio-
res adducit regulas. Verùm vbi omnes attulerint fatentur tamen nul-
lum esse, qui in inuestiganda sacræ scripturæ vera interpretatione ali-
quando non errauerit. Neque enim vel antiquis patribus vel suis ma-
gistris in omnibus assentiuntur: sed neque vllum assignare possunt,
quem non agnoscant aliquando errasse aut errare potuisse, cùm, vt ali-
j aiunt, omnis homo mendax sit. Atque ita tandem omnia dubia & in-
certa relinquunt.

At longè aliter Catholici sensum certum & in dubitatum scripturæ
sacræ non a iudicio alicuius particularis hominis sumendum docent ve-
rum ab vnanimi consensu antiquorum Patrum. Atque adeo à iudicio
& interpretatione scripturæ vt docet sacro-sanctum concilium Triden-
tinum sessione 4. idque rectissimè. Neque enim dubitare quisquam
potest, quin multò tutius sit illum sequi interpretem, qui errare non
potest, quàm illum qui identidem errat, aut certè errare potest: Eccle-
sia autem in suo iudicio errare non potest, vt supra latè probauimus.

Quod attinet ad Nouatores qui sequi volunt in scripturis interpre-
tandis ductum spiritus, quæro ab illis qua ratione vel nobis, vel sibi
ipsis persuadeant (se sequi ductum spiritus Dei non autem diaboli cùm
omnes hæretici hoc spiritu se præditos esse autumant? Quod si dicant
hos spiritus per scripturam discernendos, quæro rursus vnde habeant
hanc esse veram scripturam, & si respondeant per spiritum priuatum,
cōmittunt circulum. Ecce quomodo in circuitu impij ambulant psal. 11.

Quod autem attinet ad illos qui dicunt vnum scripturæ locum exponi posse per alium facile refelluntur. Nam si hoc ita est, cur ipsi non obitante collatione scripturarum ita dissentiunt in multis locis scripturæ interpretandis

Concludo hanc quæstionem obseruando nihil solidum, nihil certum contineri in sacris literis iuxta aduersariorum doctrinam, quia cum omnia ex vero literæ sensu pendeant & apud eos nullus sit certus & fidus modus inueniendi hunc sensum: consequenter omnia quæ in sacris literis sunt in dubium reuocant.

§. 2.^{us}.

QVOMODO DIGNOSCENDÆ SINT SACRÆ
SCRIPTURÆ CANONICÆ A NON CANONICIS.

Caluinus lib. 1. institutionum cap. 7. sectione 2. in fine asserit fidelitam facile esse Canonicam scripturam à non Canonica distinguere quàm sit videnti facile lucem à tenebris discernere, aut album à nigro.

Verùm hoc non solum rationi, sed etiam experientiæ aduersaturam constat & olim inter fideles, imò inter viros pios & celebres, vt videri est apud Cardinalem Bellarminum lib. 1. de verbo Dei cap. 17. & 19. fuisse non paruum controuersiam de nonnullis libris tum veteris tum noui testamenti; & etiam nunc esse inter illos quos ipsi Sectarij fideles existimant, id quod ipse idem Caluinus agnoscit in præfat. ante epistolam S. Iacobi & ante epistolam ad Hebræos. Porro cum hoc satis videant eius sectatores: vt Paræus in disputatione de auctoritate scripturarum, Rupellana confessio art. 4. & alij, imò & ipse Caluinus lib. 1. institutionum cap. 7. numero 4. confugiunt ad spiritum suum particularem vel peculiarem quo præcipuè se persuaderi & moneri dicunt, vt hos recipiant libros scripturæ, non autem solo Ecclesiæ consensu. Quare si quæramus à Caluino vnde sciat epistolam Iacobi esse Canonicam & sine controuersia amplectendam: si à Luthero vnde eandem tanquam stramineam, spuriam & Apostolico spiritu indignam, vt ipse illam appellauit, dignouerit? Respondebit uterque se hic quamuis contraria spiritu docente cognouisse.

Verùm cum omnes isti spiritus quæ sint nobis ignoti, putantur illuminati hi hæretici nos adeo esse stultos, vt illis tamen omnibus cre-

dere velimus? Certè cum spiritus ipsi non sint spiritus pacis & vnionis non possunt esse spiritus Dei, Et cum singuli hunc spiritum iactitent, quis iudex determinabit quis cui præferendus sit? Tandem Calvinus ait maiestatem literæ & phrasim facillè indicare scripturæ libros non ab alio quàm Dei spiritu dictatos fuisse, sic lib. 1. institutionum cap. 8. paraphrasi 1. 2. 10.

Sed putatne hic nequam hæreticus homines esse statuas & truncos stupidos, qui nihil intelligunt, nam scripturæ phrasim non eadem semper est cum eloquentior fuerit Paulus ad pedes Gamalielis edoctus, quàm alij Apostoli piscatores; & aliter loquatur Isaias in aula Regiæ, aliter Amos ad caulas gregum educatus. Sententiosiores etiam sunt Salomon & Iob quàm alij scriptores, vt manifestum est. Deinde phrasim scripturæ varia est ob varias translationes, quæ etiam inter nouatores sunt dubiæ, vt non immeritò serenissimus M. Britanniarum Rex Iacobus in summa collationis Hamptoniensis pag. 46. ingenuè fateatur se nunquam vidisse inter nouatores geminam translationem, Genuensem autem omnium esse pessimam. Quomodo ergo ex phrasi vel literà dignosci potest scriptura? Certè si ex phrasi iudicandum est de scripturâ, per vnum librum scripturæ omnes alios reiiciam, vt pote ab illo in phrasi discordantes.

Confugiendum est ergo cum Catholicis ad Ecclesiam, ab eaque pendendæ sunt veræ scripturæ Canonice. Hanc fuisse fidem & doctrinam antiquæ Ecclesiæ testatur brevis illa sed neruosa sententia D. Augustini (quem optimum ex tota antiquitate & fidelissimum testem agnoscit ipse Calvinus lib. 4. institutionum cap. 14. sectione vltima) Ego (inquit Augustinus contra Epistolam Manichæi cap. 5. tom. 6) *Euangelio non crederem, nisi me Catholica Ecclesia commoueret auctoritas.* Quem locum quamuis Calvinus lib. 1. institutionum cap. 7. sectione 3. [teste Horantio lib. 2. locorum Catholicorum cap. 4.] conetur explicari, ita vt existimet Augustinum loqui de seipso adhuc Manichæo, non autem de se iam fideli & credente: ineptè tamen explicat, & planè ridiculum est effugium: nam verba quæ paulò post sequuntur ostendunt falsam esse hanc Caluini interpretationem. Si ad Euangelium te tenes [alloquitur S. Augustinus Manichæum] ego ad eos me teneam quibus præcipientibus credidi Euangelio. Loquitur ergo de se qui iam crediderat Euangelio. Et paucis interiectis. *Quorum auctoritate infirmata, iam nec Euangelio credere poterò.* Vbi ostendit fidem ita pendere ab auctoritate Ecclesiæ vt eâ infirmata vel sublata non possit ampliùs subsistere vlla fides Euangelij. Ex

De statu hominis, veteris simul ac nouæ Ecclesiæ,
quo falsum esse clarum est quod scribit Iunius hæreticus S. Augusti-
num loqui de ~~taxat~~ de causâ accidentaria, non de causâ perse neces-
saria. Alij dicunt Augustinum loqui de hoc vel illo libro Euangelij non
de Euangelio in genere. Sed verba ipsa S. Augustini contrarium do-
cent, quia vbique loquitur de Euangelio in genere. Deinde eadem est
ratio vnus Euangelij & omnium.

§. 3.^{us}.AN SACRA SCRIPTURA SIT
OBSCURA.

Questio est de verbo Dei scripto quod dicunt hæretici facile esse
non obscurum. Verum tenendum omnino est scripturam diffi-
cilem esse & obscuram. Probatur hæc catholica veritas 1. ex act. 8.
Quomodo possum intelligere (inquit Eunuchus) si nemo ostenderit mihi? Et
ex Lucæ 24. *Aperuit sensum vt intelligerem scripturas.*

Probatur 2. obijciendo aduersarijs plurima loca obscura, imò integra
capita ex canticis canticorum, ex Ezechiele & alijs Prophetis.

Denique probatur ex Pet. 2. 9. vers. 16. vbi habetur in epistolis Diui
Pauli esse quædam intellectu difficilia, quæ indocti & instabiles depra-
uant sicut & cæteras scripturas ad suam ipsorum perditionem. Vide
Coluillum in Parænesi pag. 47.

His argumentis conuicti multi hæreticorum & inter cæteros Beza,
de notis Ecclesiæ volum. 3. pag. 137. edit. anni 1582. mutata sententiâ
fatentur non pauca loca esse obscura in sacris literis.

§. 4.^{us}.AN SCRIPTURA SACRA ITA CONTINEAT
NECESSARIA AD SALVTEM, VT NULLÆ
ADMITTI DEBEANT TRADITIONES,

Affirmant Sæctarij communiter, sed dicendum est necessariò esse
admittendas traditiones. Est Catholica sententia,

Probatur 1. ex illo Pauli ad Tessal. 2. 2. *Itaque fratres Hæc & tenete
traditiones quas didicistis, siue per epistolam siue per sermonem.* Quo in loco
æqualiter commendat Apostolus & sub eodem imperio tam quæ per

epistolam illis tradiderat, quam quæ ore tenus ab eo acceperant. Tenete obligationis verbum est, quia imperatiuum. 2. Probatur etiam ex Tessel. 4. *Regamus* (inquit) *vos & obsecramus in Domino Iesu, ut quemadmodum accepistis à nobis quomodo oporteat vos ambulare & placere Deo, sic ambuletis, ut abundetis magis: Scitis enim quæ præcepta dederim vobis per Dominum Iesum.* Ecce antequam ad eos aliquid scriberet Apostolus, tradidisse se illis aliqua memorat, quæ præcepta appellat. Quod si præcepta sunt necessitatem obseruationis inducunt. Idem scilicet dicit ad Corinth. 1. 11. Laudans eos ab obedientia traditorum præceptorum non scriptura, sed verbo tenus acceptorum. Et idem facit in 1. epist. ad eos missa. *Laudo vos* (inquit) *Fratres, quod per omnia mei memores essis, & sicut tradidi vobis præcepta mea tenetis.* Vbi iterum vides præcepta Corinthijs inculcata, quæ scriptura Canonica minimè constabant. Huc etiam pertinet depositum illud sacro-sanctum quod pœnes Timotheum idem Apostolus reposuisse asserit, quod nonnisi sanctarum traditionum recondita quædam doctrina erat, quod ipsum Tertullianus vult. Pauli verba sunt. *O Timothee, depositum custodi, deuitans profanas vocum nouitates &c.* De quo deposito clarius idem Paulus meminit 2. cap. 2. epist. ad eundem. *Tu ergo* (inquit) *fili mi confortare in gratia quæ est in Christo Iesu & quæ audisti à me per multos testes hæc commenda fidelibus hominibus, qui idonei erunt & alios docere.* Hic aperte vides & aliam reconditiorem doctrinam simplicioribus & imperfectioribus minimè communem coram testibus Timotheo diligenter à Paulo commendatam, quam etiam vult impartiri sanctus Apostolus his qui sufficienter sunt allos docere. Hi sunt loci in Paulo præcipui, qui sine vlllo inuolucro aut verborum multiplicitate, veritatem nostræ assertionis ostendunt. Occurrit tamen alius in Paulo locus neutiquam aspernandus, 2. ad Tessel. 3. quem pro seruando Ecclesiæ ordine allegat Cyprianus in fine epistolæ 3. ad Cornelium aduersus Nouatianos, qui sic habet. *Præcipimus vobis in nomine Domini nostri Iesu Christi ut recedatis ab omnibus fratribus ambulantibus inordinatè & non secundum traditionem quam acceperunt à nobis.* Ecce Paulus excommunicat eos qui non secundum Apostolicam traditionem vivebant: quod minimè faceret, si necessariæ obseruationis Christiano non essent.

Probatur secundo argumento quod meo iudicio efficax est: est autem huiusmodi. Antequam Moyses legem Israelitis traderet, peruectissimi illius sæculi patres ab Abel vsque ad Moysen veri cultus Dei doctrinam habuerunt, nulla Canonica adhuc stante scripturâ, sed per iugem

Ecclesiā permanferit, sed nullum tale esse.

Sed contra. Nam D. Paulus 1. ad Corinth. 1. scribens dicit, *Cetera autem cum venero disponam. quæ tamen non leguntur. ergo &c.* 2. Ioannes in fine Euangelij sui ait, *Sunt autem & multa alia, quæ fecit Iesus, quæ non scribantur per singula, nec ipsum arbitror mundum capere posse eos qui scribendis sunt libros.* ergo &c. 3. Euangelistæ omiserunt aliquid, vt certum est ergo potuerunt simili modo alia multa omittere: antecedens clarum est, nam Act. 20. D. Paulus allegat dictum Christum, *Oportet, inquit, meminisse verbi Domini Iesu, quoniam ipse dixit, Beatus est magis dare, quam accipere.* quod tamen alibi in Euangelio non legitur. Denique vbi est liber bellorum Domini, de quo Num. 21. 14. Vbi ille sermonum & dierum Salomonis de quo 3. Reg. 11. 41. vbi denique epistola ad Laodicensis de qua ad Collossenses 4. 16.

Probat denique ex patribus & imprimis ex D. Dionysio Pauli Apostoli discipulo, Athenarum que, vt Eusebio placet, Episcopo, qui in primo capite lib. de Ecclesiastica Hierarchiâ insigne de sanctis traditionibus dat testimonium, vbi Timotheum suum de Ecclesiastica doctrina vult instruere. *Sacerdos, inquit, nostri functionem sanctissime fili Timothee augustioris esse ac diuinæ & diuinitus indulta scientiæ actionisque ac perfectionis his qui sacratio & doctrinæ institutionem ex sacerdotalibus mysterijs traditionibus acceperunt, de sanctarum scripturarum maiestate necessariū demonstrare institui.* Vides vtrumque genus doctrinæ misceri à sacro-sancto hoc viro, vt præfulem illud erudiat, scripturas scilicet & traditiones quasi vnum sine altero perfectè constare non possit. Idem docet sanctus Ignatius Ioannis Apostoli auditor, & à D. Petro in sede Antiochena tertius, epistola ad Heronem loquens de quibusdam Ecclesiasticis ritibus, vt pote de carnum & vini abstinentiâ districte commendat huiusmodi obseruanda quæ per traditionem in Ecclesiâ recepta sunt. Quid si sanctus hic Martyr reuiuisceret ac videret sæculi huius corruptissimos mores, religionis perueriores, nefarios Apostolicorum traditionum violatores, quid illum dicturum fore autumas, quandoquidem eos qui vel præter ea quæ tradita essent dixissent quippiam, vsque adeo acriter inuehitur, vt lupos vocet ouium deuoratores. Idem docent reliqui omnes Patres qui apud alios videri possunt. Vnum Augustinum omittere non possum qui clarissimè in libro de S. sancto cap. 27. hoc docet. *Doctrina, inquit, quæ in Ecclesiâ seruantur ac predicatur partim ex conscripta doctrina habemus, partim ex Apostolorum traditione ad nos delata in mysterio recipimus, vtrique tamen eandem ad pietatem vim habent, & nemine*

De statu hominis, veteris simul ac nouæ Ecclesiæ, his contradicit, qui vel modicam saltem Ecclesiasticorum iurium experientiam habeat, si enim aggrederemur non scripto prædixas consuetudines, velut non magnam vim reuocare, imprudentes etiam ipsi principalibus Euangelij partibus datum inferremus, imò potius ipsam Euangelij prædicationem ad nudum nomen contraheremus. Hæc Augustinus. Alia argumenta contra Sectarios pro traditionibus peti possunt ex ijs quæ diximus lib. 2. quando egimus de modo agendi cum hæreticis.

§. 5.^{us}.

AN SCRIPTURÆ SACRÆ SIT IUDEX
CONTROVERSIARVM:

Affirmant ex Sectarijs non pauci, quamuis alij recurrant ad spiritum particularem, sed dicendum est cum Catholica sententiâ neque spiritum particularem, neque scripturam sed Ecclesiam esse controuersiarum iudicem.

Probatur primò ex illo loco Mathæi 18. *Si peccaueris in te frater tuus, dic Ecclesiæ &c. Ecclesiæ non audieris, sit tibi sicut Ethnicus & Publicanus.* Ex quo loco in hunc modum argumentor: Si omnes controuersie religionis ad Ecclesiæ iudicium deferendæ sunt, vt colligitur ex loco citato, ergo Ecclesia est iudex.

Probatur 2. argumento desumpto ex Deuteronomij 17. & alijs scripturæ locis, vbi, præterquam quod hoc alioqui naturali lumine rationis euidenter est. significatur iudicem talem esse debere, ad quem in omni controuersia eius fori, pateat litigantibus accessus, hac ratione. Iudex controuersiarum in aliquo foro talis esse debet, ad quem omnes habentes aliquas controuersias in eo foro, possint ire & accedere: sed multi sunt in Ecclesiâ, qui dubia seu controuersias circa fidem habent, & ad Ecclesiam quidem facillè, sed ad scripturam accedere & ire non possunt, ergo scriptura non est iudex, sed Ecclesiâ. Minor probatur, quia scriptura eatenus solum propriè aditur, quatenus eius sententiâ legendo exquiritur; sed plurimi sunt in Ecclesiâ qui scripturam legere non possunt, ergo non omnes scripturam adire possunt.

Probatur 3. omnis iudex præsertim supremus in hac vita & generalis ita debet dicere sententiâ, vt altera pars litigans euidenter sciat se vicisse, altera euidenter sciat se causam amisisse, quantum est ex parte illius iudicis; at hoc neque sacra scriptura neque Spiritus sanctus qua-

ten us præcisè per scripturam loquitur, potest facere; ergo neque sacra scriptura neque S. sanctus quatenus præcisè per scripturam loquitur, est talis iudex: Maior evidens est. Minor probatur exemplo clarissimo. nam eodem tempore quo controuersia est inter me Catholicum & Calvinistam aliquem hereticum, de iudice controuersiarum quam ille scriptura iudice decidendam dicit, nihil, licet sæpius lectis & relectis scripturæ locis, quæ ad rem spectant, constet, sed uterque iudicat sententiam scripturæ à se stare, non contra se.

Probatur denique. In veteri testamento lex non fuit iudex, sed summus Sacerdos; Ergo etiam in nouo non erit, sed vel Ecclesia aut summus Sacerdos, Christi nempe in terris Vicarius, summus Pontifex. Antecedens probatur ex Deuteronomij 17. *Si difficile & ambiguum apud te iudicium esse perspexeris inter sanguinem &c. Et iudicium tuum intra portas tuas videris variari verba, surge & ascende ad locum quem elegerit Dominus Deus tuus, veniesque ad sacerdotes Leuitici generis, & ad iudicem qui fuerit illo tempore, quæresque ab eis qui iudicabunt tibi iudicij veritatem.* Ezechielis 4. *Cum fuerit controuersia stabunt sacerdotes in iudicijs meis & iudicabunt.*



PARS SECUNDA

CAPVT PRIMVM.

§ 1.^{us}

QVID SIT SACRAMENTVM.

OMISSIS varijs significationibus Sacramenti Sacramentum pro vt hoc loco sumitur, est res sensibus subiecta, quæ ex Dei institutione sanctitatis & iustitiæ tum significandæ tum efficiendæ vim habet. Dicitur res subiecta sensibus, quia sensu percipitur, vt materia baptismi visu & tactu: forma verò auditu. Item materia Eucharistiæ siue panis & vinum gustu, visu, tactu; forma verò auditu, &c. Dicitur vim habere significandæ seu esse signum, quia signorum

more deducit nos in rei alicuius latentis notitiam non minus quam fumus in notitiam ignis qui non videtur, vt docet D. Augustinus lib. 10. de ciuitate Dei cap. 5. vbi etiam appositè monet latentem rem illam quam significat sacram esse, neque enim aliter signum sacrum diceretur nisi sacra res esset quam connotat.

Si quæras quænam sit R. sanctitas & iustitia, vti ex definitione data liquet, vel si mauis & in idem redit gratia Dei per quam anima sanctificatur: diuinę namque literę effectum hunc sacramento clarissimè tribuunt. Act. 2. *Baptizetur vnusquisque vestrum in remissionem peccatorum.* Ioannis 6. *Qui manducat hunc panem viuet in æternum*, haud dubiè nec peccatorum remissio nec vita æterna esse potest absque sanctitate, iustitia & gratia, de qua ad Romanos 6. *Gratia Dei vita æterna.* 1. ad Timotheum 4. *Noli negligere gratiam quæ data est tibi per prophetiam cum impositione manuum presbyteri*, De Sacramento ordinis loquitur Apostolus sicut D. Augustinus obseruauit lib. 4. veteris & noui testamenti capite 93. *Infirmatur quis ex vobis* (dicebat Iacobus de Extrema-vnctione cap. vltimo) *induat presbyteros Ecclesiæ & orent super eum ungentes eum oleo in nomine Domini, & oratio fidei saluabit infirmum, & alleuabit eum Dominus, & si in peccatis fuerit remittentur ei.* Viri (inquit Paulus de sacramento Matrimonij ad Ephesios scribens) *diligite vxores vestras, non vt vxores aut carnem vestram tantum, sed sicut Christus Ecclesiam suam, vt in vxore maritus Ecclesiam spectet Christi sponsam.* Quorum remisistis peccata [inquit Dominus de sacramento Pœnitentiæ] remittuntur illis. Illud etiam significat æthimologia nominis: Sacramentum enim dicitur quod sacram seu sanctam mentem efficiat, non ergo aliud significat quàm sanctitatem à qua mens denominatur sancta formaliter. Quorsum enim & quid aliud significaret? quid magis indicare potest quàm id cuius gratiâ est institutum? Atqui propriè & præcipuè institutum est ad sanctificandos homines non ad homines Christo obligandos, vt vult Zuïnglius, quia talis obligatio nec habetur in scripturâ, nec vllam habet cum sacramento puta cum ablutione similitudinem: non ad discernendum fidelem populum ab infideli, vt voluisse Carolo stadium narrat Lutherus in sermone de verbis cœnæ propter easdem causas, & quia semper fuerunt meliora quædam, commodiora, & certiora discernicula, verbi gratiâ exteris fidei confessio, signum Crucis, constans & mutua charitas &c. Vnde non ait Dominus Ioannis 15. In hoc cognoscent homines quod discipuli mei estis, si baptismum habueritis, vel Eucharistiam, sed si dilectionem ad inuicem: non promissionem

reconciliationis, seu remissionis peccatorum, vt somniauit Kemnitijs, siquidem in Sacramentorum confectione & vsu nullæ interueniunt promissiones seu verba promissoria, neque enim dicitur, qui baptizatus fuerit saluus erit, sed ego te baptizo: nec qui manducat hunc panem viuet in æternum, sed accipite & comedite hoc est corpus meum. Non denique æternam prædestinationem, vt existimauit Caluinus lib. 4. instit. cap. 14. paragrapho 1. siquidem ex nullo prorsus capite potest ostendere baptismum vel aliud sacramentum quantumuis optima dispositione recipiatur, indicare homini (quantumuis certum facere) quod sit prædestinatus, & absurdum est putare ex tam multis qui sacramenta suscipiunt etiam in bono statu quoad præsentem iustitiam, non esse aliquos ex numero reproborum, atque ita non haberi in his sacramenta falsam significationem, si vera sit Caluini sententia. Deinde aut vult Caluinus sacramenta esse signa prædestinationis incerta ac tantum probabilia, vel certa: si incerta, superfluum omnino facit eorum institutionem, cum plurima alia sint, ex quibus ratiocinari quis potest verisimiliter se esse prædestinatum, verbi gratiâ, si mundo & pompis eius perfecte abrenunciet, vt Christum sequatur, si excellat patientiâ, si constantem voluntatem habeat non peccandi mortaliter, si charitate flagret &c. Si certa, vt docet ipse in Antidoto concilij Tridentini sess. 6. cap. 13. & lib. 3. instit. cap. 2. parag. 16. pugnare facit ea cum scripturis tactis omnem hanc prætentam certitudinem refutantibus, vt Ecclesiast. 9. *Nescit homo virum odio an amore dignus sit, sed omnia in futurum seruantur incerta.* Et 1. ad Corinth. 4. *Nolite ante tempus iudicare.* & Eccles. 5. *De propitiato peccato noli esse sine metu.* & psal. 11. *Seruite Domino in timore.* causam addit. *ne quando irascatur Dominus, & peccatis de viâ iusta.* Ad Rom. 11. versu 20. *Tu autem fidei stas, noli altum sapere, sed time.* Et ad Philippeneses 2. 12. *Cum metu & tremore salutem operamini.* Pugnare etiam facit cum prouidentia Dei, quam nullo modo decuit certitudinem hanc hominibus dare, ne in superbiam & noxiam securitatem erigerentur, ad quam heu iam satis propendunt; & cum diuinis illis testimonijs quæ docent omnino exploratos non esse hominibus actus proprios qualiter se habeant, sed sæpe de illis perperam iudicare. Ad Rom. 3. *Quid oremus sicut oportet nescimus,* Prouerb. 14. *Est via quæ videtur hominibus iusta, nonissima autem eius deducunt ad mortem.* Apocalip. 3. *Vides quia diues sum &c. & nescis quia miseres & miserabilis &c.* Nec proinde exploratam omnino esse prædestinationem vt pote cuius persuasionem vult Caluinus in vsu Sacramentorum pendere ab actibus

proprijs & præcipue ab actibus fidei, quam ab illis vult excitari & eandem ob causam cum propriâ confessione: fatetur quippe obscursè esse cuilibet quæ in animâ geruntur interiùs. *Fideles* (inquit lib. 3. institut. cap. 2. parag. 10.) *fallaci fidei simulatione non hominum oculis modo imponunt sed suis ipsorum animis.* Et infra, *tot vanitatis recessus habet, tot mendacis catet cor hominum, tam fraudulenta hypocrisis obiectum est, ut seipsum fallat.* Et denique cum praxi baptizandi paruulos qui cum non sint capaces actus fidei nec persuasionis illius, utique ad baptismum admitti non deberent, ne frustra baptizarentur velut incapaces effectus, propter quem baptismus & alia sacramenta dicuntur à Caluino instituta. Consentit his L. Augustinus in libro de correptione & gratiâ cap. 13. cum ait, *Omnes etiam, qui bene currunt, timeant dum occultum est quo perueniant, &c.* Et serm. 16. de verbis Apostoli. *Et erit quisquam vestrum qui audeat dicere in istius sum.* Noent hoc Calvinistæ. Ratio etiam est quia certitudo fidei est infallibilis, quia nititur diuina veritate, cui falsum subesse non potest: tunc enim dicitur aliquis habere certitudinem fidei de aliqua re quando rem illam cognoscit per reuelationem Dei, at non singuli fideles habent reuelationem Dei de suâ iustitiâ, perseuerantiâ, & vitâ æterna.

Ex his colligitur Sacramenta non eo modo tantum conferre gratiam, quo verbum prædicatum &c. Nam verbum prædicatum in tantum confert, in quantum excitat &c. Sacramenta verò ex opere operato conferunt. Colligitur 2. ex hac sacramentorum efficacia optimè intelligi ipsorum auctorem Deum esse qui eam supernaturalem virtutem creatis rebus impertiri solus potest, super qua re nemo grauabitur legere D. Augullinum tractatu 5. in Euangelium Ioannis: ibi enim etiam de sacramentorum efficacia, tum etiam de auctore i. ipsorum egregiè satis ac Catholicè agit.

§. 2. ^{us.}REIICITVR DEFINITIO SACRAMENTI QUAM
AFFERT CALVINVS.

EX dictis superiori paragrapho facile refelli potest definitio Sacramenti quam affert Caluinus lib. 4. instit. cap. 14. parag. 1. vbi sic definit Sacramentum, Externum symbolum quo benevolentia erga nos suæ promissiones conscientijs nostris Dominus obsignat ad susti-

nendam fidei nostræ imbecillitatem, & quo nos vicissim nostram erga eum pietatem tam coram eo & Angelis quam apud homines testamur. In qua definitione omnia verba sunt suspecta. quatuor autem manifeste falsa: nam quod vocat Sacramentum symbolum cum ab illo dicitur suspectum est, quia excludit omnem gratiam, omnem effectum, & relinquit symbolum aridum & inane, vacuum ac sterile. Quod autem dicit diuina erga nos beneuolentia, falsum est, nam aut est beneuolentiæ præteritæ, qua nos dignatus est Deus, aut præsentis quam nobis per ipsum iam Sacramentum impertiatur, aut futuræ quam nobis aliquando promiserit, signaculum est. Futuræ quidem non est tum quia Caluinus hoc non concedit, quia putat omnes Christianorum pueros sanctificatos esse antequam baptizentur, & si concederet, tamen esset falsum, quod cum iam Deus disertis verbis suas illas promissiones nobis tradiderit, non potest aliunde plus accedere auctoritatis & firmamenti quam habet ipsum verbum Dei, nam qui verbis Dei non credit, quomodo credet aquæ & panis: Neque præsentis ex sententia Caluini, quia ut ait sacramentum non confert gratiam: neque præteritæ, quia quando minister adhibet sacramentum, non potest illi constare, an is qui baptizatur, sit diuinam gratiam consequutus: nam si constat, aut aliquo verbo Dei constat, aut aliqua humana ratione. Dei verbo non constat, quia nullum Dei verbum est quo fide Catholica credere debeamus, hunc vel illum esse gratiam consequutum. Nec id constat, ut putat Caluinus ex vi fœderis inter Deum & Abrahamum. 1 quia illud fœdus non intelligitur de filiis secundum carnem, teste Paulo ad Rom. 9. *Non enim omnes qui ex Israël sunt, hii sunt Israël: neque qui semen sunt Abraha, omnes filij: sed in Isaac vocabitur tibi semen: id est uon qui filij carnis, hi filij Dei, sed filij sunt promissionis æstimantur in semine.* Tum quod si intelligeretur de ijs, tamen nullum verbum Dei est quo tam certè credere debeam, hunc vel illum esse filium Christianorum, quam certò debeo credere: quæ habet fides Catholica. Quid enim si quem puto esse filium Christiani, supposititiuū sit. Si humana ratione id constat, minimè satis est, ubi agitur de consignandis promissionibus diuinis, quæ obsignari nec debent, nec possunt, nisi auctoritate planè diuina. Si ergo hoc non constat, temerè & infideliter minister adhibet sacramenti ad confirmandum iam esse perolutam gratiam ei qui baptizatur, quam Deus promiserat, cum maximè dubium sit, an peroluta sit. Secundum verbum falsum est (promissiones diuinæ) quarum dicit Sacramentum esse sigillum. Vocat autem promissiones diuinas

illud verbum quod minister concionatur antequam baptizet. Quid est vocare promissiones illud verbum? cum promissiones omnes diuine iam olim factæ fuerint; nunc tantum recitetur verbum, & quoquo modo explicetur, hoc non est promissionem fieri.

Dicit Calvinus remissionem quidem iam factam, sed nunc recitari, vt intelligatur, credatur ab eo qui baptizandus est.

Hoc quidem minus malè; sed tamen quorsum pueri baptizantur, qui illud verbum promissionis nec audiunt, nec si audirent intelligant, nec si intelligant fortasse crederent. Deinde si quis baptizatur ad ultus cum fuerit iam catechesi institutus duobus aut tribus annis, quid opus est alio verbo Dei vt aspergatur aqua. Deinde quorsum minister dicit quando baptizat, ego te baptizo, cum illud verbum non sit promissionis, nec sit verbum Dei quod amplius eo sensu & ita vt ille minister dicit. Nam cum hæc verba pronuntiat aut significat se velle facere quod Christus, id est regenerare eum qui baptizatur, aut tantum velle se exercere actum externum, id est perfundere illum aqua: nec vnum nec alterum est verbum Dei, sed verbum ministris. Nam si verbum Dei esset, nemini liceret dubitare, quin minister vellet facere id quod dicit se velle facere, at omnibus licet dubitare, quia Deus non iubet credere falso ministro, cum possit esse mendax, ergo non est verbum Dei, sed illius. Præterea videtur sanè mentiri quando hæc dicit, quia non baptizat tunc, sed quando concionatus est. Quod si respondeat se tantum significare nunc aquam infundere, cum antea concionatus fuerit, quid opus est vt hoc dicat, & infundat aquam? si Propter testes hoc dicit, quid etiam opus est? Quartum verbum est obsignare, aut esse sigillum quod multò magis falsum est. Nam obsignare nihil aliud est quàm facere vt credatur id quod aliter non crederetur, aut minùs certè crederetur. Sacramentum hoc non potest erga verbum Dei, ergo non potest illud obsignare. Assumptum probatur. Si Sacramentum hoc facit, aut facit ex parte rei, siue vi sua, aut ex parte nostra. Rursum si ex parte nostra, vel propterea quod nobis ostendit esse verbum Dei id quod dubitamus & an sit verbum Dei, vt patet de sigillo Regis, vel propterea quod cum sciamus verbum quod præcessit esse verbum Dei, tamen sacramentum manifestius atque explicatiùs & magis ad ingenium nostrum accommodatè id nos docet. Ex parte rei non potest Sacramentum obsignare verbum Dei, quia quod ex natura rei & natura sua obsignat & confirmat aliquod aliud principium, debet esse eo firmius, in hanc enim sententiam dictum est illud Aristotelis, propter quod vnum-

quodque tale & illud magis. Sacramentum verò non est principium firmitus natura sua quàm verbum Dei, sed infirmius, quia quicquid auctoritatis habet & firmitatis, habet ex ipso verbo Dei, ergo non potest illud obsignare & obfirmare ex parte rei & natura sua. Item non potest illud obsignare & obfirmare ex parte nostra priori modo, quia nemo est qui credat esse verbum Dei illud quod recitatur propter Sacramentum quod videt. Sed è contrario credit esse sacramentum propter verbum Dei ex quo didicit sacramentum esse quotiescunque hic & ille ritus adhibetur. Ergo potius verbum est sigillum Sacramenti, quàm Sacramentum sigillum verbi Dei. Denique Sacramentum non potest obsignare verbum Dei ex parte nostra primo modo, quia falsum est Sacramentum esse rem nobis notioiorem quàm verbum Dei. Duo enim sunt in sacramento: alterum est humanum quod in sensus cadit, alterum diuinum quod mente percipitur. Quod humanum est aut sine eo quod est diuinum non est Sacramentum, aut multò obscurius quàm verbum Dei declarat nobis diuinam promissionem. Nam verbum Dei apertè & disertè declarat nobis; quid enim apertius quàm qui crediderit & baptizatus fuerit, saluus erit? Elementum autem Sacramenti hoc nobis non declarat, nisi obscurissima & tenuissima analogià, ut aqua mundat corpus, ita & Sacramentum baptismi illustrat mentem. nec exemplum Caluini quicquam efficit. Ait, quemadmodum in patetis datur dextra præcedentibus quibusdam verbis veluti sigillum quoddam, ita in promissionibus diuinis cum ad verbum Dei accedit sacramentum, adhiberi quasi quoddam sigillum & signaculum. Nam inter homines propterea adiungitur huiusmodi signum, quia de verbis ipsorum meritò dubitari potest, tum etiam quia obliuisci facillimè possunt, quare cum dextras iungunt, duo profitentur, se non fallaciter sed verè & seriò dicere quæ dicunt: tum etiam memoriæ causa interponunt signum quoddam notabile & rarum. Verba autem Dei neque possunt esse falsa, ut debeat tangi dextra, neque potest Deus obliuisci, ut eius memoria debeat excitari aliquo signo. Præterea si Sacramentum ut argumentatur Caluinus ipse, obsignat in nobis verbum Dei, aut ex illo discimus quod ante sciebamur, aut quod nesciebamur. Si quod ante sciebamur, ex verbo Dei nihil noui discimus. Consequutio probatur. Illud principium quod nullam habet vim & efficaciam ad probandum præter illam quam sumit ex altero primo non potest augere & confirmare cognitionem factam ab eo principio à quo vim habet, quemadmodum argumentum probabile non potest augere scientiam.

comparatam per demonstrationem; Sacramentum autem nullam vim habet & auctoritatem ad faciendam nobis fidem præter illam quam accipit à verbo Dei, ergo non potest augere & confirmare verbum Dei. Si autem quod nesciebamus, nihil possumus dicere ex ipso Sacramento, quia nulla res satis habet argumenti ad gignendam in nobis fidem Catholicam præter vnum verbum Dei, ergo si ex verbo Dei non didiceramus, ex sacramento nunquam discemus. Ad hoc argumentum respondet Calvinus sigilla quæ diplomatibus alijsque publicis actibus appenduntur, per se accepta nihil sunt, ut potè quæ frustra appensa forent si membrana nihil haberet descriptum, neque ideo non continent & obsignant quod scriptum est: dum scriptis adduuntur. Sed hoc argumentum in ea re vna, in qua ut valeret aliquid, oportebat esse simile, est dissimillimum. Hoc enim interest inter verbum Dei & Sacramentum vna ex parte, & inter diploma & sigillum ex altera. Quod verbum Dei ipsum per se sine vilo sacramento habet omnem suam auctoritatem; e contrario verò sacramentum sine verbo Dei nullam habet sed omnem vim accipit ex verbo ipso quod debet obsignare: diploma autem & literæ Regiæ sine sigillo nullam auctoritatem habent, sigillum sine literis habet auctoritatem, nec eam accipit ex ipsis literis quas obsignat. Nam si inde acciperet nullo modo posset obsignare, nihil enim magis crederemus literis obsignatis, quàm non obsignatis, si sigillum aliunde haberet auctoritatem quàm ex illis. quod accidit in verbo Dei & Sacramento. Quapropter Sacramentum non potest esse sigillum verbi Dei. Illa verò differentia quam Calvinus fingit inter diplomata & nostra Sacramenta, quod inter diplomata & res quas significant, quia humanæ sunt, sit maior similitudo quàm inter Sacramenta & promissiones, quod Sacramenta sint res humanæ, & promissiones diuinæ; esto sit vera, nihil tamen pertinet ad rem. Deinde est falsum, nam maior est similitudo inter res ex quibus constant Sacramenta & effectus quos significant, quàm inter diplomata & id quod obsignat. Quid enim similitudinis est inter ceram & chartam, & tria lilia ex quibus constat sigillum, & inter pecuniam & possessiones quæ à Rege Galliarum mittuntur. At inter aquam baptisimi & gratiam magna est similitudo, nam ut illa corpus, sic hæc animam mundat.

Quintum verbum est (*conscientiis nostris*) hanc enim vult Calvinus esse quasi ceram, Sacramentum quasi sigillum. Itaque si nos ostenderimus non semper esse ceram in eo qui recipit Sacramentum, erit manifestum Sacramentum non esse sigillum. Atqui non semper est: quæ

enim com-

enim conscientia est in puero cui neque scientia, neque ratio, neque sensus est, itemque quæ conscientia est in furiosis & stultis quos semper in Ecclesiâ baptizatos legimus. Dicuntur quidem aliquando Sacramenta ab auctoribus orthodoxis signacula atque Sigilla, sed alio sensu quam a Caluino. Calvinus enim vocat sigilla, quæ confirmant verbum Dei & promissiones, quæ de re non est vlla syllaba apud vllum veterem auctorem: illi autem vocant sigilla aliâ proprietate, quia vt sigillum solet esse res quædam vilissima, continet tamen aliquando rem maximi pretij, ita Sacramenta cum consistant ex rebus naturalibus & corporis intus continent rem diuinam quam tegunt & obfignant.

§. 3.^{us}.

DE NUMERO SACRAMENTORVM.

Septem esse nouæ legis Sacramenta, omnia à Iesu Christo instituta, nec plura vel pauciora, videlicet Baptismum, Confirmationem, Eucharistiâ, Pœnitentiâ, Extremam vnctionem, Ordinem, Matrimonium, ex scripturis & Patrum traditione rectè definit Concilium Tridentinum sess. 7. Can. 1. quia septenarius Sacramentorum numerus, licet ab instituentis voluntate potissimum dependeat, tamen fide supposita rectè ostendi potest eum numerum conuenientissimum esse, tam ex analogiâ corporalis & spiritalis vitæ, quàm ex numero peccatorum & vulnerum. Quemadmodum enim homini ad vitam naturalem priuatam & publicè traducendam septem necessaria sunt, vt scilicet in lucem edatur, incrementum accipiat & robur, cibo alatur, & si morbo laboret, opus est imbecillitatem virium ægritudine contractam refici, morbiq; reliquias tolli. Ex parte autem reipublicæ necessarius est magistratus cuius auctoritate regatur; ac postremò necessarii sunt parentes, qui legitima prolis generatione humanum genus conseruent ac propagent. Ad eundem modum in vitâ spiritali generatio fit per Baptismum; Confirmatione in gratiâ roboramur: Eucharistiâ nutrimur; Pœnitentiâ vulnera & morbi relapsorum post Baptismum sanantur; Extrema vnctione peccati reliquie tolluntur: Ordine Sacramentorum ministeria sacræque aliz functiones in Ecclesiâ exercentur: denique Matrimonio ex legitima maris & feminae conjunctione filij ad Dei cultum, humanique generis conseruationem procreantur & religiosè educantur. Similiter contra peccatum originis Baptismus præstat


regenerationem: contra peccatum actuale Pœnitentia remedium confert: peccata venialia mortiferorumque reliquias Extrema-Vndio tollit: contra infirmitatem ne ex ea peccemus Confirmatio adiuuat, Ne affectus malitiæ vincatur Eucharistia præstat: ignorantiam Ordo depellit, concupiscentiæ impetum cohibet Matrimonium.

Præterea septem Sacramenta hominum animos ad septem virtutum genera disponunt. Baptismus enim illuminans est Sacramentum fidei: Confirmatio Spei; Eucharistia charitatis: Pœnitentia iustitiæ: Extrema Vndio perieuerantiæ ac fortitudinis: Ordo prudentiæ, Matrimonium temperantiæ.

His omnibus addi potest alia ratio septenarium Sacramentorum numerum efficaciter probans. Quod Ecclesia Christi de ratione & numero Sacramentorum tradit, id quamuis expressè in scripturâ non declaratur, sine vlla tamen dubitatione credendum est; sed Ecclesia Christi tradit esse septem Sacramenta nouæ legis, neque plura neque pauciora ut patet, ergo ita prorsus credendum est. Maior probatur ipsidem argumentis, quibus superius probauimus ac ostendimus Ecclesiæ auctoritatem in definiendis his quæ spectant ad fidem, Hic igitur breuiter tantum ex eo probo quod nisi Ecclesiæ etiam sine scripturis expressis, quod ad numerum & rationem Sacramentorum attinet, credendum sit neque ipsi hæretici credere debebant esse duos Sacramenta nouæ legis verè & propriè dicta, scilicet Baptismum & Eucharistiā, quæ tamen nobiscum sine controuersia fatentur. Id verò probatur quia etsi scriptura illius operationis quæ est ablutio atque etiam regenerationis spiritualis in illa mentionem disertè faciat, nunquam tamen exprimit, quod hæc operatio suscipienda sit causâ significandi ex diuina impositione gratiam spiritualis regenerationis, & Deum ipsum colendi, quæ tamen duo sunt de ratione ac essentiâ veri Sacramenti. Similiter licet scriptura commemoret panem & vinum, seu panis & vini species, atque item gratiam & vitam spiritualement quæ in corporis & sanguinis Christi sub eis rebus usu confertur, nullus est tamen scripturæ locus ubi expressè declaratur, quod his rebus ex peculiari institutione Dei tanquam signis quibusdam significare velle debeamus ipsam gratiam & nutrimentum spirituale, quod in earum rerum usu datur, neque etiam quod debeamus item per huiusmodi res velle Deum colere. tanquam per ceremoniam quandam virtutis religionis. Minor nostræ probationis clara est, & consequenter firma conclusio.

Ex his refelluntur Nouatores qui septenarium numerum Sacramen-

torum rejciunt. Tantum hic addam illos in numero Sacramentorum (vt in multis alijs) non sibi constare: nam vt bene aduertit Duræus in refutatione Vvhitakori pag. 490. Septenarium numerum Sacramentorum admiserunt in colloquio Ratisbonensi anno M. D. XLI. Philippus Melanethon, Bacerus, & Caluinus. Sic enim scribit Bucerus ipse in actis colloquij Ratisbonensis. *Protestantes non grauati admiserunt septem Sacramenta.* Huic verò colloquio interfuisse Caluinum testatur Beza in vita Caluini. Quando igitur septenarium Sacramentorum numerum Caluinus & alij rejciunt, sibi non constant. Et certè quando per Nouatores Diabolus Sacramentorum numerum impugnare non aliud facit, quàm olim fecisse legimus Holofernem: quemadmodum enim Holofernes videns Bethunienses, nisi aqua eos deficeret, inexpugnabiles fore, conatus est aquam ab illis auertere aquæ ductus intercidendo: ita Diabolus per hæreticos conatur Ecclesiæ auferre legitimum usum & cultum Sacramentorum, quæ sunt tanquam aquæ ductus diuinæ gratiæ ad hominem.



CAPVT SECVNDVM.

§. I.^{us}

AN BAPTISMVS SIT NECESSARIVS AD SALVTEM
ET AN BAPTISMVS CHRISTI SIT IDEM CVM
BAPTISMO IOANNIS.

DVÆ sunt hoc loco expediendæ difficultates, vt constat ex titulo paragraphi. Prima est an Baptismus sit necessarius ad vitam æternam consequendam. 2. An Christi Baptismus idem sit cum Ioannis Baptismo. Quod ad primam partem attinet, dicendum est breuiter necessarium esse Baptismum omni rationali creaturæ ad vitam æternam consequendam. Est de fide.

Probatur breuiter ex Ioannis 3. *Nisi quis renatus fuerit ex aqua & Spiritu sancto, non poterit introire in regnum Dei.* Vnde in Concilio Tridentino sess. 6 Canon. 3. decretum fuit, *Si quis dixerit Baptismum liberum & non necessarium ad salutem, Anathema sit.* Nec propter hoc ardeatur via salutis, quia nunquam potuerunt homines saluari nisi per Christum, & nisi fierent membra Christi, quia non est aliud nomen datum homini-

bus in quo oportet nos saluos fieri: Sed ante Christi aduentum homines incorporabantur Christo per Circumcisionem vel alia Sacramenta, & Sacramentum Baptismi quod Christus ordinauit est longè maioris facilitatis, quàm fuerint alia Sacramenta ante aduentum ipsius. Igitur per Baptismum non arctatur via salutis, & licet aliquando non possit vel propter defectum aquæ, vel ministri obtineri in actu potest tamen in voto seu desiderio haberi, quod sufficit adultis, vbi facultas deest: & sic non est obligatus vllus ad impossibile. Hæc breuiter de prima parte paragraphi. Quod attinet ad secundam.

Dicendum est non fuisse eundem Batismum Ioannis, & Baptismum Christi. Hec conclusio est contra Zuinglium tom. 2. lib. de Baptismo fol. 68. 73. 74. 75. Caluinum lib. 4. instit. cap. 15. Musculum in locis communibus cap. de Baptismo pag. 304. Bucerum, Brentium aliosque nouatores quos citat Guillelmus Reginaldus lib. 2. Caluinu-Tuisini cap. 9. Est tamen Catholica & fide certa.

Probatur 1. ex PP qui summa diligentia vtriusque Baptismi plustquam essentialia differentias scriptis tradiderunt, Cyrillo super Ioannem cap. 2. Augustino lib. 8. contra Donat. de Baptismo cap. 9. & tribus sequentibus, & lib. 2. contra epistolam Petiliani cap. 37. Hieronymo in comment. Joel. cap. 2. & aduersus Luciferianos, Damasceno, Chrysostomo & alijs, quos in nostra sententia esse fatetur ipse Caluinus sect. 7. *Neminem [inquit] perturbet quod alterum ab altero discernere veteres consueuerunt: cur ita optime Ioannes? Quorum non tanti esse nobis debet calculus, vt scripturæ certitudinem quates faciat.* Quod idem fatetur de Patribus Vvhitakorus apud Durzum nostrum pag. 512. *Quid (inquit) de Ioannis Baptismo veteres indicauerint non ignoro, sed quid scriptura doceat, non quid illi suspicentur, attendo.* Bona verba quæso, & Patres scripturas aliquando vidisse verisimile est, Sed quid quæso scriptura docet? an nec inter suum & Christi baptismum Ioannes hoc discrimen statuit, quod in aqua quidem ipse, Christus vero in Siritu sancto baptizaret? Qua igitur vos fronte non aliter Christum in Spiritu sancto quàm Ioannem baptizasse asseritis? vel quomodo qui baptismo Ioannis iam baptizati erant Christi rursus Baptismo tincti sunt? nisi Paulum fortè qui eos baptizauit Anabaptistam fuisse dicatis. Sic enim ille. *Ioannes baptizauit baptismum penitentiae populum dicens: in eum qui venturus esset post ipsum vt crederent.* His auditis baptizati sunt in nomine domini Iesu. Quæ scripturæ verba tam plana, tamque aperta à proprio ac genuino sensu Caluinus tam sceleratè detorquet, vt ex Baptismo impositionem manuum re-

penite nobis efficiat. Baptismi (inquit lib. 4. c. 15. sect. 18.) nomine significare voluit gratias Spiritus sancti visibiles per impositionem manuum datas. Hic vester est in explicandis scripturis candor, ut ex quouis quiduis pro arbitrio efficiatis, cum eo ipso in loco Baptismus ab impositione manuum clarissime secernatur. Baptizati sunt (inquit) in nomine Iesu, & cum imposuisset illis manus Paulus, venit Spiritus sanctus super eos, Quid apertius? prius enim baptizati sunt, deinde per manuum impositionem Spiritum sanctum acceperunt. Ac ne longior sum, si idem vterque Baptismus fuit, cur non Pauli Baptismus, vel Petri dici potuit, quem illi contulerunt, ut Ioannis baptismus quem ipse contulit? Cur, ut alia omitram, non in nomine vos Christi venturi, perinde ac Ioannes, baptizatis, ut in nomine Patris & Filij & Spiritus sancti, Christi discipuli baptizarent? Accedente enim verbo ad elementum fit Sacramentum.

§ 2.^{us}.

QVOD FIAT DE PVERIS NON BAPTIZATIS ANTE

VSUM RATIONIS DECEDENTIBVS.

Vbi etiam de Lymbo Patrum & Purgatorio.

TRes difficultates complectitur hic paragraphus. Prima est quid fiat de pueris ante rationis usum sine baptismo in noua lege decedentibus. Secunda an fuerit ante Christi mortem Lymbus Patrum. Tertia an detur Purgatorium.

Prima difficultas oritur ex superiori paragrapho Si enim pueri non baptizati ante rationis usum decedentes non possunt introire in regnum Dei, sequitur pro illis aliquem alium locum ponendum esse: qui tamen quis sit non facile videri potest (inquit nostri temporis heretici) nam ponere locum qui vocetur lymbus infantium sine omni fundamento dicitur. Dicendum tamen est dari lymbum infantium, idque necessarium dicendum esse & non sine ratione ut impudenter mentiuntur heretici.

Probatur, quia necesse est ponere pro pueris non baptizatis ante rationis usum decedentibus in noua lege locum aliquem (& idem dicendum est de pueris non circumcisis octauo die quo tempore durabat praeceptum Circumcisionis] hi enim non euolabant ad caelum, cum Paradisi porta nondum esset aperta: nec portabantur ad sinum Abraham, cui Genes. 17. dicatur, *Masculus cuius praeputij caro circumcisa non fuerit, de-*

lebitur anima illius de populo suo. Et Ioannis 3. Nisi quis renatus fuerit ex aqua & Spiritu sancto non poterit introire in regnum Dei. Si ideo locus deputandus est, non est Lymbus Patrum: quia qui illuc ibant, erant in gratiâ, & in propinquo Deum visuri: decedentes autem in solo originali non erant in gratiâ, neque vnquam Deum visuri: ideo locus ille eis conueniens non fuisset. Nec debet eis assignari purgatorium aut infernus, cum nunquam habuerint peccatum actuale, & per consequens non debent pati pœnam sensus: in Purgatorio autem & Inferno illa pœna sustinetur: Alius ergo locus est assignandus, quem si comparemus ad dignitatem personarum locatarum, ponendus est sub Purgatorio, quia illi qui sunt Purgatorio sunt in gratiâ, & sic digniores. Si verò comparemus ad qualitatem pœnæ vel præmij, illi qui sunt in Purgatorio magis affliguntur: quia patiuntur pœnam sensus iuxta illud Apocal. 18. *Quantum se conglorificauit, &c.*

Quod si quæras quid faciant paruuli in Lymbo. Respondeo cum communi Doctorum opinione speculari naturalia. Licet enim anima humana à principio sui esse sit tanquam tabula rasa, in qua nihil depictum est: nihilominus tamen qui non deficit in necessarijs, & qui animam creauit intellectualis naturæ in separatione ipsius à corpore, inluit tot species rerum quot acquirere potuit corpori vnita, ne frustreretur intellectus earum, cui dedit Deus potestatem fieri, & continere quodammodo (scilicet per similitudinem) omnia, vt habetur Sapientiæ 10. Sic quod nullus Philosophus vnquam tanta cognouit de naturalibus, sicut anima paruuli separata. Et cum omnes tales sint eiusdem speciei, sequitur quod omnes erunt pares in huiusmodi infusione & beatitudine naturali. Hec dicta sint de prima difficultate. superest iam disputandum de secunda, nempe an detur Lymbus Patrum seu quod idem est, an detur aliquis locus in quo detinebantur animæ sanctorum Patrum antequam Paradisi porta esset aperta per clauem Dauid, hoc est per Christi passionem. Negant hæretici, inter alios Calvinus lib. 2. instit. cap. 16. paragrapho 9. vbi ait. *Concludere in carcere mortuorum animas puerile est.* Contradixit tamen sibi (vt solent mendaces sui immemores contra Anabaptistas disputans in Pseudopannichiâ cum ait, *Nec verò uireretur quisquam includi carcere sanctos Patres, qui redemptionem Christi expectabant.*

Dicendum est tamen dari Lymbum Patrum.

Probatur ex illo Zachariæ 9. *Tu quoque in sanguine testamenti tui edu-*
xisti viros de loco. Vbi nota particulam quoque. In hoc loco non erant

tenebræ quantum ad carentiam gratiæ aut scientiæ, nec erat pœna sensibilis, quam homines patiuntur pro actuali peccato: sed erat quædam quies & refrigerium. Dicitur hic locus Sinus Abraham eo quod primum principium credendi explicite mysterium incarnationis & Redemptionis fuit Abraham, qui se separauit ab Idololatriâ, & signum fidei accepit, & cui primo de Christo (sine cuius fide non peruenitur ad requiem) specialis facta fuit reuelatio. Ideo nunc requies Sanctorum in cœlis, vbi nullus est dolor, ad similitudinem sinus maris, in quo non sunt agitationes, neque procellæ aut fluctuationes, sed tranquillitas summa, dicitur sinus Abraham. Ad hunc sinum siue quietem delata fuit ab Angelis anima Lazari, & ibi refrigerabatur ante mortem Christi refrigerio quietis, absque dolore sensibili. Quo refrigerio carebat diues epulo, exstans in profundissimo inferno: vnde Lucæ 16. dicitur eleuasse oculos in tormentis & petiuisse refrigerium linguæ. Refrigerium & consolatio eorum qui erant in hoc sinu, consistebat in quiete conscientiæ, & in contemplatione rerum naturalium, & eorum quæ per fidem audierant, de reparatione humani generis & mysterijs diuinis. Erat tamen quidam dolor de dilatione speratæ gloriæ, secundum illud Prouerb. 13. *Spes quæ differtur, affligit animam.* Vnde D. Augustinus in quodam sermone de passione Domini dicit, quod lacrymabili obsecratione Christum orabant. Ab his doloribus liberauit eos Christus, vnde act. 2. dicebat D. Petrus, *Deus Christum suscitauit solutis doloribus inferni.* Ad hunc locum inferni anima Christi diuinitati coniuncta postquam emisit spiritum in die Parasceues descendit, & reiecit potestatem Principum tenebrarum, iuxta illud Psalm. 23. *Attollite portas Principes vestras.* Glosa exponit, *Principes auferre potestatem vestram, quâ huc vsque homines in inferno detinebatis.* Et secundum hoc debet etiam intelligi quod ait Apostolus ad Ephesios 4. *Descendit ad inferiores partes terræ,* & illud quod dicitur in Symbolo, *Descendit ad inferos,* nempe vt iustos illuminaret: dicitur enim Eccl. 24. *Penetrabo inferiores partes terræ & inspiciam omnes dormientes, & illuminabo omnes sperantes in Domino, scilicet sanctos Patres lumine gloriæ & claræ visionis suæ.*

Probatur præterea conclusio ex Gen. 37. vbi Iacob postquam intellexisset ex filiis suis de Iosephi filij sui morte (cuius vestem in sanguine hædi tinxerant fratres) & dixisset *Fera pessima comedit eum, bestia deuorauit Ioseph,* ait, *descendam ad filium meum lugens in infernum.* Hic autem locus saluari non potest sicut nec prædicta & multa alia quæ adiungi possent nisi detur Lymbus patrum, ergo &c.

Hæc dicta sint de Lymbo Patrum. Superest vltimo loco disceptemus an detur purgatorium, id est locus expiationis, satisfactionis & solutionis pœnarum post mortem. Negant Nouatores, contra quos tamen.

Dicendum est necessarium admittendum esse Purgatorium. Est de fide.


Probat ex illis verbis Christi, Math. 18. *Quicumque dixerit verbum contra filium hominis, remittetur illi, qui autem dixerit contra Spiritum sanctum, non remittetur ei neque in hoc seculo neque in futuro.* Quibus verbis voluit Christus enumeratione hac diuersorum locorum peccati illius magnitudinem exaggerare, & significare nusquam esse remittendum. Enumerauit autem duo loca, vbi peccata remitti solent, in hoc inquam seculo, & in futuro, nisi enim in futuro peccata remitterentur, frustra hanc vocem & otiose addidisset, quem constat nunquam otiosum verbum locutum, cum prædixerit de omni otioso verbo reddendam rationem in die iudicii. Datur ergo locus in futuro seculo, in quo remittuntur peccata. Hic autem non est alius quam Purgatorium in quo per pœnas temporaneas remittuntur peccata, ergo &c. Quod autem hic locus non sit alius quàm Purgatorium patet, quia Nouatores nullum alium in futuro seculo locum assignant quàm infernum damnatorum, & cœlum, at in neutro horum remittuntur peccata, vt constat ex confessione ipsorum aduersariorum, ergo &c.

Probat 2. ex illis verbis Christi, Math. 5. *Esse consentiens aduersario tuo cito dum es in viâ cum eo, ne forte te tradat iudici, & iudex tradat te ministro, & in carcerem mittaris. Amen dico tibi, non exies inde donec reddas quadrantem.* Quibus verbis significauit Christus aliquem esse locum post hanc vitam in quem ingreditur debitor, qui per soluto debito pœstea egrediatur, qui locus alius non est quàm Purgatorium. Sed inquit Calvinus, *Si iudex hoc loco Deum significat, litigator diabolum, liſtor Angelum, carcer purgatorium, libenter dabo manus.* Atque ita significare alleuerauit non vnus de plebe, sed magnus Cyprianus epist. ad Antonianum, quare fidem seruari postulo. Sed frustra sollicitor. Quamuis enim numerosa Patrum ego testimonia prof rrem, nunquam anguis iste tortuosus mihi constringetur, caudam semper complicabit, & subtilius elabetur.

Ex his colligitur contra eosdem Nouatores non semper ablata culpa à Deo, auferri omnem pœnam peccatis debitam. Hoc est quando-
cunque sit vt qui crimine aliquo mortifero se attrinxerunt, à Deo quidem accipiant peccati condemnationem, liberenturque a reatu pœnæ æternæ, efficianturque amici & filij Dei, maneant tamen obligati ad
pœnam

pœnam aliquam & temporaneam satisfactionem. Patet ex verbis Christi allatis in prima probatione præsentis conclusionis. Patet præterea varijs scripturæ testimonijs & exemplis. Moysesque (Nmer. 20.) ad aquas contradictionis grauiter Deum offenderat, tamen postmodum Deo reconciliatus non minorem quàm antea cum ipso familiaritatem & gratiam inierit, pœnam tamen luere debuit istius peccati, nempe non introducere populum in terram promissionis, sed ante trahendum Iordanis morte mulctari. Similiter Dauid (2. Reg. 12.) post adulterium cum Bethabee & necem Uriæ, audiuit à Nathan Propheta: *Dominus trasulit peccatum tuum, non morieris*, id est ignouit peccatum & te in gratiam accepit; Audiuit tamen & hoc: *Hac dixit Dominus: Ecce ego suscitabo super te malum de domo tua, & tollam uxores tuas in oculis tuis, & dabo proximo tuo & dormiet cum vxoribus tuis in oculis solis huius, nec recedet gladius de domo tua vsque in sempiternum.* Quæ omnia euennisse constat in seditione Absalonis filij. Denique primorum parentum inobedientia, tamen & ipsis remissa fuerit, & nobis in Sacramento Baptismi condonetur, manet tamen sententia Dei, *In sudore vultus tui vesceris pane tuo. In dolore paries filium & morte morieris.*

Colligitur 2. hanc pœnam, quæ post dimissam culpam superest toleranda, non tolli omnibus post mortem. Patet ex prædictis Christi verbis, Math. 18. *Quicumque dixerit verbum contra filium hominis &c.* Patet præterea, quia mors ob peccata primorum parentum toti humano generi, hoc est æquè iustis atque iniustis infligitur. Itaque Iudas Macabæus (2. Mac. 12.) sancte pro peccatis mortuorum curauit sacrificia: & apud Apostolū, 1. Cor. 3. quidam saluantur, sic tamen quasi per ignem quanquam negandum non est afflictiones quandoque & dolores tum infirmitatis cum mortis, vel pœnam omnino tollere, vel saltem minuere, pro peccatorum qualitate, & pœnitentiâ morientium.



CAPVT TERTIVM

§. I.^{us}.

VTRVM DETVR ALIQVOD PROPRIE DICTVM

SACRAMENTVM POENITENTIÆ.

Vbi etiam de Contritione, oris Confessione, ac satisfactione & actibus Pœnitentis.

QUod ad primam partem paragraphi attinet, negant communiter Nouatores, præsertim Calvinistæ vllam reperiri propriè dictum

Sacramentum Pœnitentiæ; contra quos tamen. Dicendum est dari verum ac propriè dictum Sacramentum Pœnitentiæ. Hæc conclusio est fide certa, & habetur in concilio Florentino ac etiam in Tridentino.

Probatur faciliè ex dictis paragrapho primo, ac tertio primi capitis. Primo enim loco ostendimus Sacramentum esse rem sensibus subiectam, quæ ex Dei institutione sanctitatis & iustitiæ tum significandæ, tum efficiendæ vim habet, siue quod idem est, esse signum visibile inuisibilis gratiæ, à Christo institutum: at huiusmodi est pœnitentia, vt etiam ibidem diximus, & per se patet; signum enim visibile est ipsa actio Sacerdotis; inuisibile autem gratiam infundi clarè habemus ex Christi Domini verbis Ioan. 20. *Accipite Spiritum sanctum: quorum remiseritis peccata, remittuntur eis, & quorum retinueritis retenta sunt.* Et ex Mathæi 18. *Amen dico vobis, quæcunque solueritis super terram, erunt soluta & in celo.* Ex quibus verbis habemus expressam promissionem remissionis peccatorum, & consequenter gratiæ, sine qua illa non remittuntur: habemus pariter huius Sacramenti institutionem, & consequenter omnia quæ ad veram Sacramenti rationem requiruntur. Secundo etiam loco nempe paragrapho tertio eiusdem primi capitis ostendimus necessariò recipiendum esse septenarium Sacramentorum numerum, quorum vnum est pœnitentia, omnium illorum, qui illorum numerum admittant, iudicio. Non est igitur hac in re multùm immorandum. Veniamus ergo ad actus Pœnitentis, & primò ad Contritionem: de qua queri potest an sit necessaria ad Sacramentum Pœnitentiæ. Negant Hæretici contritionem esse necessariam aut etiam attritionem.

Dicendum tamen est necessariam esse vel contritionem vel attritionem, hoc est necessarium esse dolorem, & peccatorum detestationem, vel ex charitate Dei, vel ex metu gehennæ, vel ex peccati fœditate susceptum.

Probatur breuiter, quia verè non respiscit, quem non pœnitet commissorum, vt per se patet, sed Sacramentum Pœnitentiæ requiritur respiscencia, ergo etiam requiritur vt pœniteat peccatorum. Minor constat, quia fuit ad peccatorum condonationem, omni sæculo & lege necessaria. Vnde Dominus in veteri lege ait, *Conuersimini ad me in toto corde vestro, &c.* Et Rex Ezechias. *Reuertere ab omnes annos meos in amaritudine animæ meæ.* Hæc satis de contritione.

De Confessione difficilior est questio: nam non tantùm moderni Hæretici, sed multi antiqui Hæretici (inter quos fuit Montanistæ

teste D. Hieronymo in epist. ad Marcellam de Montani erroribus, & Messaliani teste S. Damasceno lib. de hæresibus cap. 80.) contendunt, Confessionem nec institutam à Christo, nec esse necessariam, sed inutilem & superstitiosam. Verùm dicendum est Confessionem à Christo institutam esse & esse ad salutem necessariam, quoad peccata mortalia vel in re vel in voto.

Probatur ex Valentia lib. de necessitate confessionis cap. 2. Si à Christo Domino quædam actio externa, quasi tribunal quoddam pro conscientijs fidelium instituta est, in qua illorum peccata iudicio atque sententiâ legitimorum Ecclesiæ ministrorum vel remittantur vel retineantur, non potest fieri, quin etiam à Christo institutum sit, ut fideles peccata sua quorum recordari possunt, ministris Ecclesiæ legitimis, ad obtinendam eorum iudicio atque sententiâ veniam, confiteantur. Sed talis actio & quasi tribunal, pro fidelium conscientijs omnino est à Christo instituta, ergo & confessionem ab eo institutam esse fatendum est. Maior probatur, quia nequeunt ministri prudenter ac discretè, ut oportet, iudicium de fidelium peccatis ferre, num scilicet remittenda, vel retinenda sint, nisi cognitionem habeant conscientiz ipsorum fidelium, quomodo scilicet se erga peccata habeant: nec rursus possunt ministri hanc cognitionem habere nisi fideles ipsi suam conscientiam aperiant. *Quis enim hominum (ut ait Apostolus) scit quæ sunt hominis, nisi Spiritus hominis qui in ipso est?* Quin etiam cum nunquam fiat dimidiata peccatorum mortalium remissio, sed vel nullum peccatum mortale, vel omnia simul remittantur: necesse est omnino de omnibus saltem peccatis mortalibus, hoc est de conscientia & animo peccatoris erga unumquodque mortale peccatum, & què minister cognoscere: ut cum iudicio & discretionem sententiam remissionis vel retentionis ferat eorum peccatorum quæ peccator ei aperit. Denique in omni genere ratio ipsa docet non esse à iudice sententiam ferendam, nisi causâ in specie probè cognita. *Qui enim iudicat quod novit, hic demum index est iustitiæ*, id est rectus & sapiens. Prouerb. 11. Ut igitur minimè dubitemus, esse Imperatoris iure institutam delationem alicuius criminis, hoc ipso quod Tribunal & iudices ad iudicandum in æterno foro de huiusmodi subditorum crimine Imperator instituisset: ita etiam neque dubitandum est quin accusatio & confessio omnium peccatorum in specie sit à Christo instituta, si is quasi tribunal & iudices instituit ad sententiam ferendam de remissione seu retentione peccatorum omnium, quæ à fidelibus commissa essent. Firma igitur est nostri argumenti maior: Minor au-

tem, nempe tale quasi tribunal ad iudicandum de peccatis fidelium à Christo institutum esse, multis modis probatur. 1. Ex illo Ioannis 20. *Sicut misit me Pater, & ego mitto vos, accipite Spiritum sanctum, quorum remiseritis peccata, remittentur eis; & quorum retinueritis retenta sunt.* Ex quo loco patet, quam potestatem Christus à Patre accepit remittendi peccata, hanc ipsum ministris suis delegauisse, ut eam per ministerium ipsi quoque exercerent; sicut disertis verbis testantur diuus Chrysostomus lib. 3. de sacerdotio, & D. Cyrillus lib. 12. in Ioannem cap. 55. *Pater non iudicat quenquam, id est non iudicat ipse solus, sed omne iudicium dedit filio.* Et illud Mathæi 28. *Data est mihi omnis potestas in cælo & in terra.* Quod in primis intelligitur de potestate iudicandi, ergo similiter eadem potestas ex Christi voluntate & instituto exerceri debet cum discretione quadam & iudicio in ministerio reconciliationis fidelium. Quandoquidem sic sunt Christi ministri ad id ministerium missi, sicut fuit missus ipse Christus à Patre. Quod eam planè vim habet, ut quicquid auctoritatis possit competere ministris Christi, in ministerio & usu eorum remediorum, quæ ad hominum salutem à Christo sunt instituta, id totum intelligere debeamus esse illis à Christo tributum. cumque ea potestate remittendi vel retinendi peccata cum cognitione & iudicio, nisi aliqua actione externa erga fideles ipsos ministri uti non possint (non enim aliter homo in hominem auctoritate aliqua fungitur) hoc ipso certè quod usus eius potestatis à Christo institutus est, consequitur actionem quamdam externam à Christo institutam esse, velut tribunal quoddam pro conscientijs fidelium, in quo hæc sententia legitimorum Christi ministrorum, vel remitti vel retineri possint peccata fidelium illis subiectorum, ut assumpsimus in minori nostræ probationis. Secundo id ipsum confirmatur exemplo clarissimò: Si enim filius Cæsaris cum potestate iudicandi, itemque cum auctoritate eam ipsam potestatem alijs delegandi mitteretur à suo patre, isque alicui homini diceret, *Sicut misit me Pater, ego mitto te, quorum remiseris delicta &c. minime tunc dubitaremus. quin eiusmodi homo à filio Cæsaris constitutus esset iudex delegatus.* Cum igitur filius Dei Christus Iesus, cui omne iudicium à Patre datum est, omnisque potestas in cælo & in terra dixerit Apostolis eorumque successoribus, *Sicut misit me Pater &c.* Ambigi nulla ratione debet, quin sint à Christo constituti iudices eorum fidelium, qui eis fuerint subditi, ut illorum peccata cum cognitione ipsius causæ vel remittere vel retinere possint. 3. idem probatur ex ipsa forma verborum, quibus eam potestatem, Chri-

itus & promisit & contulit suis ministris, Promiserat enim eam Math. 28. illis verbis, *Quæcunque solueritis &c. quæcunque ligaueritis &c.* Constat autem actum soluendi & ligandi iudiciale esse. Item contulit eam potestatem illis verbis: *Quæcunque remiseritis &c.* quæ certè verba similiter iudicij quamdam discretionem & auctoritatem denotant.

Probatur 2. conclusio ex communi usu primitivæ Ecclesiæ in qua semper observatum est, ut Christiani pœnitentes peccata sua Sacerdoti aperirent. Vnde in actis Apostolicis, *Multi credentium (pepissentocor, qui ante crediderant) veniebant confitentes (exomologoumenoi, id est aperienter) & annunciantes actus suos.* Non enim generatim fatebantur se peccatores, neque soli Deo confitebantur; sed actus suos & peccata aperiebant & enumerabant. Præterea Iacobus Apostolus loquens de præsbyteris ad infirmum sacro oleo vngendum vocandis addit, *Confitemini (exomologesthe, aperite) alterutrum peccata vestra.* Iac. 5. hoc est non soli Deo aperite, sed etiam concludi vestro & huiusmodi, con cuius sed Sacerdoti, quem ad sacram unctionem infirmo dandam aduocatis.

Dices hæc argumenta probare quidem institutionem confessionis diuinitus à Christo factam: non tamen esse illam necessariam ad salutem quoad peccata mortalia, quod posuimus in nostra conclusione.

Sed contra est. nam verè ex probationibus allatis colligitur eius necessitas, quam tamen adhuc sic confirmo ex eadem institutione diuinà hoc modo. Si effectus alicuius mediij diuinitus instituti, necessarius est hominibus ad salutem: ipsum etiam medium est illis ad salutem necessarium; præsertim si hominibus, non satis constet eiusmodi effectum per aliquod aliud medium se iam consequutos esse. Sed effectus institutionis diuinitus confessionis respectu mortalium quidem peccatorum necessarius est omnino ad salutem; neque communiter satis constat hominibus quod hunc effectum per aliquod aliud medium obtinuerint ergo ipsa etiam confessio est illis necessaria ad salutem. Maior huius argumenti proposita probatur, quia cum nihil à diuina Pronidentia supervacaneè constitutum sit, omnino vult Deus ut homines procurent unumquemque effectum per medium seu media ad illud instituta, quamdiu præsertim ipsis non satis constet se illum effectum alia viâ esse consequutos; ac proinde si effectus sit ad finem aliquem necessarius, ad eundem finem vult Deus necessariò [pro loco ac tempore] usurpari ea media, quæ sunt propter eum effectum non frustra constituta. Nec facile potest villo exemplo in aliquo genore ostendi huius contrarium. Maior quoque argumenti propositio patet, quoniam effectus eiusmodi

confessionis est remissio mortalium peccatorum, quæ committantur post Baptismum. Hunc autem effectum ad salutem necessarium esse ex scriptura passim constat, quæ ubique docet sine remissione peccatorum mortalium, neque gratiam Dei, neque vitam æternam haberi posse. Neque verò communiter hominibus ipsis constat, verum per alia media, puta per actum contritionis, seu dilectionis Dei super omnia, &c. eum effectum consequuti sint. Quare communiter tenentur ad effectum eiusmodi procurandum, usurpare etiam illud peculiare medium confessionis, quod est ad eam rem institutum. Sicut etiam tenentur, qui nondum baptizati sunt, usurpare ad remissionem peccatorum certius procurandam, peculiare illud medium quod est ad eam rem in baptismo institutum, licet fortè quidam opinari possent se iam per actum veræ contritionis aut dilectionis eam remissionem esse consequutos. Quin etiam si alicui in particulari per diuinam reuelationem satis certò constaret, se iam esse sine sacramento Baptismi, aut sine confessione, remissionem peccatorum consequutum, tamen teneretur is nihilominus lege Baptismi & confessionis. Non enim quia cessat finis legis in vno homine particulari, ideo ad illum non pertinet obligatio legis, quæ in communi omnibus propter eum finem posita est, vt suppono ex tractatu de legibus. Itaque quamuis Christus instituens confessionem, non expresserit verbis præceptum illius; tamen ex natura ipsæ rei institutz præceptum illud rectè colligitur, ea quidem forma probationis qua vsi sumus.

Hæc de contritione ac confessione. Ad extremum remanet aliquid dicendum de satisfactioe, quâ Deo peccatis nostris offenso, honorem iniquè sublatum actionibus pœnitentiæ compensamus. De qua quicquid dicant nostri temporis Sæctarij: dicendum est, vt sacramento pœnitentiæ peccator in pristinum statum restituatur, non satis esse dolorē affeire, & peccata Sacerdoti aperire, ab eoque verbis absolutionis remissionem peccatorum consequi; sed necessarium esse fructus facere dignos pœnitentiæ.

Probatur conclusio simul & explicatur. Quemadmodum inter homines hæc iustitia seruatur, vt qui vel furto, vel conuitio iniuriam intulit proximumque offendit; quamuis ei recocilietur & in amicitiam iterum admittatur, manet tamen restitutioni honoris & furti obnoxius: ita planè iustum videtur, vt cum culpam nobis Deus dimittit, ac in gratiam suam nos recipit, temporalem aliquam pœnam subeamus, ac iniurię illatę multatam soluamus. Hinc facile refelluntur sæctarij volentes

vniversam pœnam cum culpa remitti, nihilque soluendum aut satisfaciendum superesse remissa culpâ. Scriptura enim ijs expressè aduersatur; testatur enim ad amicos Del pœnas repetitas peccatorum. Moyses enim, vt parographo vltimo præcedentis capitis dictum est, propter peccatum ad aquam contradictionis prohibitus est ingressu in terram promissionis. Num. 20. Dauid ob commissum adulterium & homicidium priuatus est infante, & filium Absalonem habuit perduellem, &c. 2. Reg. 12. & 15. Et ne existimes has pœnas inflictas, vt sibi in posterum cauere, non vt peccata expiarent, Deus ipse causam addidit. Moysi quidem, *Quia non credidisti mihi, vt sanctificaretis me coram filiis Israel, non introduceis hos populos in terram quam dabo eis:* Num. 20. Dauidi verd, *Quia blasphemare fecisti inimicos nomen Domini, propter verbum hoc filius qui natus est tibi, morte morietur.* His autem peccati culpam à Deo condonatam fuisse testatur scriptura, dictum enim illi fuit, *Dominus transiit peccatum tuum non morietur.* Et Moysen post hoc peccatum non parum vt Deo præ ceteris hominibus familiarem commendat scriptura. & in Psalmis de eodem & Aaron eiusdem peccati reo sic dicitur. *Deus tu propitijs fuisti eis, & uiciscens in omnes adinventiones eorum.* Quem locum tractans Ecclesiæ lumen Augustinus lib. 2. de peccatorum meritis cap. 16. fatetur Deum exercuisse in eorum peccatum vindictam cuius tamen culpa dimissa fuerat.

§. 2. ^{us.}

VTRVM IUSTI BONIS OPERIBVS MERERI

POSSINT GLORIAM.

Vbi etiam disputatur an homo sit liber.

Catholica sententia est, iustos bonis operibus verè promereri vitam æternam de condigno. Probatur clarè ex scripturis in quib⁹ vita æterna dicitur merces & corona, vt Mathæi 10. Lucæ 6. 1 ad Cor. 3 Apocalypsis vltimo, Iacobi 1. Ex his colligi potest iustorum opera digna esse præmio vitæ æternæ, siquidem his appellationibus denotatur æqualitas quædam: siquidem dicitur secundum proprium cuiusque laborem merces. Accedit quod non dicatur corona & merces proprie quod redditur solum propter meritum congruum, propterea etiam remissio peccatorum gratia dicitur, licet de congruo peccator ipsam mereatur, vt ait D. Augustinus epist. 205. Colligitur id ipsum ex illis

verbis Apocalipsis 3. *Ambulabunt mecum in albis quoniam digni sunt.* 1. Ad Timotheum illis verbis, *Quam reddet tibi iustus index.* Cur enim iustum iudicem vocat, qui reddet illi coronam in illa die nisi quod operibus erit æqualis veluti merces meritis respondens.

Hinc refelluntur apertè Sectarij nostri temporis qui non modò negant meritum condignum, sed omne omnino meritum bonorum operum, ut videri est apud Caluinum lib. 3. inst. cap. 15. parag. 2. Beza cap. 4. confess. art. 18. Refelluntur inquam apertè. Nam scriptura vitam æternam vocat mercedem, at merces respicit meritum. Vocat coronam iustitiæ id est iustam coronam, Mathæi 16. *Reddet unicuique secundum eius.* Et ad Cor. 5. *Ut referat unusquisque propria corporis prout gessit sive bonum sive malum.*

Hæc sufficient pro prima parte paragraphi, transeamus iam ad secundam, & videamus an homo sit liber, an habeat libertatem ita ut possit agere aliquid vel non agere, bene vel malè agere, vnum præ altero eligere.


Lutherani & Caluinistæ negant. Verùm dicendum breuiter est posse & in homine esse liberum arbitrium.

Probatur 1. experientiâ, quâ experimus in nostra potestate esse aliquid agere vel omittere &c. Etsi enim omnia necessaria ad agendum sint posita possumus vel ambulare vel sedere indifferenter. Hinc consultationes in rebus humanis. hinc merita & demerita, præmia & supplicia, quibus etiam propositis liberè agimus quod non faciunt bruta. Hinc etiam à sapiente illatam iniuriam viciscimur, à stulto patienter toleramus, non alia de causa quàm quia ille liber, hic non.

Probatur 2. à priori appetitus sequitur cognitionem, & perfectiorem cognitionem perfectior appetitur, ergo cognitionem vniuersalem & suo modo indifferentem sequitur appetitus vniuersalis & indifferens, sed intellectus percipit perfectè rationem boni & mali, quæ est in obiecto, ergo cognitionem talem sequitur appetitus indifferens ad appetendum illud obiectum iuxta bonitatem in eo indicatam atque bonum quod iudicatur indifferens, non amatur necessariò sed libere: ergo voluntas illud etiam liberè appetit. Et certè hoc adeo verum est, ut rectè dixerit Scotus non rationibus sed verberibus cum eo agendum esse quod arbitrij libertatem negaret. Nam eò usque fustibus contundendus est, donec fateretur in nostra sicum esse potestatem à verberando abstinere. Et si de iniuriâ sibi facta conquereretur, occurrendum esset frustra ipsam conqueri, cum nihil libero arbitrio sed omnia necessitate gerantur.

Hinc patet

Hinc patet quàm impiè Lutherus in assertione articuli 36. scripserit liberum arbitrium esse figmentum siue titulum sine re. Patet etiam quàm impiè reliqui Nouatores dicant per peccatum primi parentis ab homine sublatum liberum arbitrium. Hæc enim vt ex rationibus allatis constat, pugnat contra omnem rationem & præterea contra scripturam ex qua habemus Deum sæpissime conqueri de populo suo quod ipsum vocantem non audiret. Ita Prouerb. 1. *Vocani* (inquit) & *renuistis*, *extendi manum meam & non fuit qui aspiceret*: An is renuere dici potest, qui vocantem non audit, aut qui non potest annuere? aut cur queritur Deus, quod cùm manum extendisset nemo aspexerit, nisi quia extenderat vt aspiceretur? Eandem ferè sententiam habet Christus in Euangelio. *Quoties* (inquit) *volui congregare filios tuos quemadmodum gallina congregat pullos suos sub alis, & noluisti &c.* Sed hæc nimis aperta sunt.



CAPVT QVARTVM.

§ I.^{us}

AN CHRISTVS DOMINVS SIT REALITER PRÆSENS IN SANCTISSIMO EVCCHARISTIÆ SACRAMENTO.

Quamuis Ecclesia Catholica firmiter semper realem corporis & sanguinis Christi præsentiam in sanctissimo Eucharistiæ Sacramento tanquam fidei dogma amplexa sit, idque propter expressa ipsius Christi domini verba, quæ in vltima cœna dixit: Sectarij tamen nostri temporis, & ante illos alij illam negare non sunt veriti.

Contra hos hoc paragraho Catholica veritas propugnanda est, & ipsorum insania refellenda. Probatur igitur: 1. ex ipsis verbis Christi quæ in vltima cœnâ dixit, *Accipite & manducate, hoc est corpus meum.* Et *Accipite & bibite, hic est sanguis meus.* Quæ verba ita clara sunt vt neque metaphoræ, neque motonymiæ, neque vlli alteri figuræ locum relinquunt. 1. Quia quemadmodum, si Christus dixisset hic est panis triticus, aut hoc est vinum Hispanicum, quod vobis sumendum porrigo, nihil fuisset obscuritatis: ita nulla est obscuritas, nec vllus dubitare debet, quin verum corpus & sanguinem suum dededit, cùm dixit *Accipite & manducate, hoc est corpus meum: Accipite & bibite, hic est sanguis meus.* 2. Similis est hæc sententiâ illi Dei Patris, Math. 3. & 17. *Hic est filius meus dilectus.* Vnde si licet hæc verba Christi in vltima cœnâ dicta

per figuram interpretari, licebit etiam verba illa Dei Patris simili modo exponere; & si impium est verba illa Dei Patris per figuram exponere, impium etiam erit in his verbis Christi, *Hoc est corpus meum*, figuram constituere. 3. Verba testamentorum nullum figuratum debent continere sermonem, sed quantum fieri potest debent esse clara ac perspicua, ad omnes lites & difficultates hæredibus tollendas: constat autem nobis in vltima cænâ a Christo prædictis verbis testamentum relictum. sic enim ipsemet asserit Lucæ 22. *Hic est calix nouum testamentum in meo sanguine*, Quemadmodum igitur, si cui parens testamento reliquisset domum cum vinetis & hortis, non de tabella quæ fortè in supelle&ili paterna reperiretur, pictæ domus, horti, vineæ verba testamenti intelligeret, sed de vera domo, vineâ & horto. Ita verba testamenti Saluatoris nostri non de similitudine corporis, sed de ipso vero corpore accipienda sunt. 4. Nulla verba antecedentia vel consequentia ostendunt figuratam esse hanc locutionem, quemadmodum fit in alijs parabolis & similitudinibus, veluti apud Math. 23. 38. *Semen est verbum Dei*, & 1. ad Corinth. 10. 4. *Petra erat Christus*. Et sic de reliquis: hic autem nihil apparet eiusmodi, imò ex verbis sequentibus potius colligimus realem Christi præsentiam. Lucæ enim 22. Græcè pro eo, quod nos habemus, *pro vobis effundetur*, legitur participium *ecchonômenon*, hoc modo: *Hic est calix nouum testamentum in meo sanguine pro vobis effundendus*, id est potus ille qui erat in calice vt intelligamus eundem illum sanguinem qui calice bibendus dabatur in cruce pro nobis postridie effusum. 5. Denique Si Rex aliquis alicui Reipublicæ seriò promittens, vel certam pecuniz vim vel aliud eximium donum, pictam deinde pecuniam vel imaginem illius doni mitteret, indignam se rem faceret ac planè ridiculam. Christus igitur dominus qui Ioannis 6. tam multis verbis tamque seriò spondit Ecclesiæ suæ daturum se corpus & sanguinem suum in cibum & potum: *Panis* (inquiens) *quem ego dabo, caro mea est, quam ego dabo* [hoc enim in Græco codice additur) *pro mundi vita &c.* Certè illuisset Ecclesiæ suæ, si præter frustum panis quo corpus illud significaretur nihil reliquisset.

Probatur 1. ex 1. ad Cor. 11. versu 27. vbi dicitur quod *Quicumque manducauerit panem hunc vel biberit calicem Domini indigne, reus erit corporis & sanguinis Domini*. Ex his verbis colligitur euidenter id quod manducatur & bibitur indigne ab indigno esse corpus & sanguinem Domini. Neque enim potest ille esse reus corporis & sanguinis domini qui nihil accipit nisi panem & vinum. Respondent aliqui Sectariorum eos qui

Sacramentum indignè recipiant, ideo esse reos corporis & sanguinis Domini, quia recipiunt panem & vinum quæ sunt signa figuræ & imagines corporis & sanguinis Domini.

Sed contra hanc solutionem est. Nam si ideo ab Apostolo, qui indignè recipiunt panem & vinum, rei sunt corporis & sanguinis Domini, quia indignè recipiunt figuras, signa & imagines corporis & sanguinis Domini, ergo qui abutuntur imagine Christi rei erunt maximi peccati contra Christum: hoc autem faciunt omnes aduersarij, omnes enim imagines etiam Christi vt idola reiiciunt, lacerant, ac igni comburendas tradunt. Vnde vt optimè notauit Gordonius noster controuersia 3. de Sacramento Eucharistia c. 13. *Non est iste & mira aduersariorum religio in imagine: nam quas alibi vt idola reiiciunt, hic nimis extollunt.* 2. Contra solutionem datam facit, quod Apostolus non loquatur de abusu signorum duntaxat, verum etiam de iniuriâ illata ipsi corpori & sanguini Christi, id quod Beza ingenuè fateretur ad cap. 9. contra primam repetitionem Claudij de Sainctes. Nam cum videret verba Apostoli aliud planè significare quàm abusum solius signi sensibilis, agnoscit etiam Apostolum loqui de iniuriâ, eaque præcipua quæ infertur rebus significatis, corpori videlicet & sanguini Christi. Verba enim Apostoli clara sunt & aperta in primis quia non dicit eos qui indignè sumunt, esse reos signorum duntaxat, sed esse reos corporis & sanguinis Domini. Quibus verbis significat non vulgare aliquod crimen committi, cuiusmodi est indigna vsurpacio quorumuis signorum sacrorum, sed immane flagitium: idque contra ipsum corpus Christi. Deinde cum paulò post explicat Apostolus quam ratione sint isti rei corporis & sanguinis Christi, dicit eos esse reos quia *non diiudicant corpus Domini*: hoc est non discernunt illum à cibis communibus, vt interpretentur ipsi etiam aduersarij, præsertim Caluinus & Beza ad illum versum 29. Causa igitur damnationis est, quod non rectè diiudicant seu discernunt ipsum Christi corpus quod illis offertur, nec tanto honore & reuerentiâ illud suscipiunt, vt deberent, *ueneratione singulariter debita*, vt loquitur diuus Augustinus tom. 2. epist. 118. ad Ianuar. cap. 3.

Probat 3. Caluinitæ dicunt se realiter paricipes esse corporis & sanguinis Domini, quando communicant, ergo in Sacramento adsunt realiter corpus & sanguis Domini, alioquin opinio ipsorum seipsam euerteret. Antecedens est ipsorum: consequentia sic probatur. Non possunt hic accipere quod non est hic, ergo si quando communicant, realiter accipiunt corpus Domini, realiter ibi erit corpus Domini.

Dices Calvinistas quidem realiter quidem accipere corpus Christi, sed non quod sit ibi, sed quod sit in cælo. Sed contra est quia ipsi non possunt ascendere in cælum realiter, nec per animam nec per corpus quando communicant, sed semper realiter hærent in terrâ: quomodo ergo possunt realiter accipere corpus Domini, quod vsque ad diem iudicii extra cælum non erit, vt ipsi dicunt? an fortassis ipsi in cælum ascendunt vt realiter ibi corpus Christi accipiant? Hoc certè mirabile erit quemuis Calvinistam plus posse quàm Christum aut Christi corp⁹: non enim potest Christi corpus per illos simul realiter esse in cælo & in terra: & tamen quiuis Calvinista dum communicat simul erit realiter terra & in cælo.

Dicent se per fidem realiter participes esse corporis & sanguinis Domini. Sed contra est, quia fides tua non efficit vt vlla tui pars, id est, neque animus neque corpus realiter in cælo sit, ergo non potest illic realiter alimentum accipere. Num si Romam si Hierosolymam defixa cogitatione ad animum retuleris, realiter Romæ, realiter Hierosolymis fuisse dicendas es? Restat ergo ostendas, qui fieri possit vt anima quæ realiter non ascendit in cælum, realiter Christi carne vescatur, nisi Christus verè ac realiter adsit in terris: & quidem vno tempore multis simul in locis, cùm eodem sæpe momento multi vestrum per Germaniam, Scotiam, Galliamque communicent. Dices nescire te modum, quo realiter participes corpus Domini, pasci te tamen scire. Itane? Si nescis quomodo illa fiant, & tamen fieri credis, quomodo realiter non realiter in Sacramento esse credis, etiamsi non intelligis? Cur tanta in transubstantiationem audacia, tanto furore agis? Denique vt nescias modum, at saltem scis eiusmodi modum esse qui te faciat non cogitatione tantùm ac fide, sed re ipsa corpori Christi contiguum, vel fatendum te non re ipsa corpus Christi accipere.

Multis argumentis probari posset hæc eadem veritas, sed breuitatis causâ illis omissis tantùm aduerto realem præsentiam Christi Domini in sanctissimo Eucharistiæ Sacramento, agnoscere Ioannem Hus quem Sectarij suum esse volunt, Ipse enim in tractatu de hoc Sacramento, (quem se conscripsisse testatur epist. 51. in carcere paulò ante mortem) apertissimè agnoscit transubstantiationem panis & vini, adorationem Eucharistiæ, & Sacrificium Missæ: & addit nunquam se aliter docuisse aut sensisse, de quo ipsum veritatis inimici mendaciter accusarunt. Huius rei testes sunt & verba illa rythmi cuiusdam Ioannis Hus de hoc Sacramento, quæ extant in 2. tom. operum Hus: sunt autè Huiusmodi,

Non est panis sed est Deus,
Homo liberator meus,
Qui in cruce pendisti,
Et in carne defecisti,

Non augetur consecratus,
Nec consumptus sit mutatus
Nec dimisus in fractura
Plenas Deus in staturâ.

§ 2.^{us}.

DE INSTITVTIONE DIVINI SACRIFICII
MISSÆ.

Vbi ostenditur in Missa verum sacrificium Deo offerri.

MISSÆ nomen nouum esse, ac à sancto Gregorio inuentum con-
tendunt Nouatores. Sed falluntur; nam cùm ipsa ferè Ecclesia
natum esse certum est: eo enim vitur Clemens Romanus qui passus est
annò Domini; 102. in epist. 3. scribens. *Non utique Missas, sine eius (nem-
pe Episcopi) iussu quisquam presbyterorum in sua parochiâ agat.* Et paulò
post. *Quoniam in alijs locis sacrificare, & Missas celebrare non licet, nisi in ijs
in quibus Episcopus proprius iusserit.*

Hoc igitur supposito, videamus nunc an Euangelicæ legis auctor
Christus dominus, instituerit diuinum sacrificium Missæ. Qua in re
partem negantem amplectuntur Sectarij nostri temporis; affirmantem
Catholici, cum quibus dicendum est diuinum hoc sacrificium institu-
tum fuisse à Christo Domino.


Probatur conclusio clarè ex Lucæ 22. Mathæi 26. Marci 14. & 1. ad
Cor. 11. ex quibus locis luce clarius est à Christo Domino fuisse institu-
tum: cùm & ipse Deo Patri in vltima cœna illud obtulerit, & præcepit
vt idem deinceps Apostoli quos sacerdotes ordinauit, ceterique deinceps
eodem caractere insigniti, in sui memoriam facerent. Oportuit
enim Authorem Euangelicæ legis institueri Euangelicum etiam Sa-
crificium, quod cum lege transfertur, vt ait D. Paulus ad Heb. 7. &
sacrificium. quod sacerdotium tanquam corollarium necessariò sequi-
tur, vt docet idem Paulus cùm ad Heb. 8. inquit, *Omnis Pontifex ad offe-
rendum munera & hostias constituitur: Vnde necesse est & hunc habere aliquid
quod offerat.* nempe diuersum ab antiquis sacrificijs. Cùm sine his reli-
gio esse non possit.

Ex his habemus institutionem diuinì Sacrificij Missæ. superest dis-
putandum an in Missa verum sacrificium Deo offeratur.

Dicendum est offerri. Probatur primò ex dictis. 1. Christus in cœnâ

dixit discipulis. *Hoc facite in meam commemorationem.* Sed his verbis instituit, ordinauit ac præcepit Christus ut Apostoli & alij Sacerdotes offerrent corpus & sanguinem ipsius tanquam verum sacrificium nouæ legis, ergo in Missa offertur ex præcepto Christi verum & proprium sacrificium corpus Domini. Maior habetur Lucæ 22. Minor probatur cum dixit. *Hoc facite in meam commemorationem.* præcepit ut Apostoli illud facerent quod ipse tunc faciebat. Atque Christus in cæna obtulit Deo Patri corpus & sanguinem suum sub speciebus panis & vini, ergo &c. Maior patet quia pronomen hoc demonstrat necessarium rem præsentem. Minor probatur ex ijs quæ fecit & dixit Christus Dominus in cæna. Vt autem intelligatur hæc probatio duo supponenda sunt; primum quid egerit Christus in cæna: deinde quid sit sacrificium. Et de priori quidem nulla est difficultas, quia hoc Euangelistæ & Apostolus Paulus declarant. De posteriori non idem sentiunt omnes: nam aliter definiunt sacrificium, aliter Calvinistæ, aliter Catholici. Verum quocunque modo definitur ostendemus Christum instituisse sacrificium. Lutherani in apologiâ confessionis Augustanæ in cap. de Missa sacrificium ita definiunt, Sacrificium est ceremonia vel opus quod nos Deo reddimus ut eum honore afficiamus. Sit argumentum. Christus in cæna tale opus & talem ceremoniam exhibuit, ergo &c. Probatur antecedens, quia Christus reddidit Deo Patri totum illud opus quod fecit in cæna, idque ut eum honore afficeret; nam Christus antequam daret corpus & sanguinem suum, gratias egit Patri, & rursus post cænam hymnum dixit Patri. Nos etiam iam cum recitantur verba Christi, Christo Deo ipsam actionem reddimus quia ita præcepit, idque ut eum honore afficiamus: nam fit in commemorationem Christi, ergo &c. Calvinus lib. 4. instit. cap. 18 sect. 13. reiecta definitione Lutheranorum definit sacrificium esse quicquid animo Deo offertur; ex quâ definitione facile probamus Christum in cæna sacrificasse & instituisse sacrificium. nam certum est quod Christus totam actionem suâ cæna fecerit ad gloriam Dei. Et certum est nos totam actionem cæna debere dirigere in gloriam Dei, & offerre in commemorationem Christi. Vera & exacta definitio sacrificij est ista. Sacrificium Dei visibile est res sensibilis Deo oblata cum quadam sacra immolatione. vel est ipsamet sacra immolatio talis rei. Ex hac definitione sacrificij sequitur tres esse conditiones sacrificij. Prima, ut sit sacra immolatio vel reipsa vel representatione. Secunda, debet esse res sensibilis quæ sit victima. Tertia, debet illa res sensibilis & immolatio immediatè ad Deum dirigi per oblationem.

iam ex his probenus sacrificium missæ esse vnum & proprium sacrificium. Illud quod in se complexitum rem sensibilem Deo oblatum cum Sacra immolatione Christus in cœna instituit omnia ista tria complectitur ergo se. Maior patet ex dicta definitione & quamuis illam reiiciant sectarij tamen vt ex ipsorum definitionibus latis constat non possunt negare enim definitio sacrificij conuenienter quod Christus in cœna instituit. Minor probatur ex verbis Christi. Rem sensibilem ostendit Christus cum dixit. *Hoc est Corpus meum: Hic est sanguis meus* Quod ista Deo offerebantur tunc temporis constat ex ijs verbis. *Quod pro vobis datur. Pro vobis frangitur. Pro vobis effunditur.* Denique ostendit, etiam sacra immolatio quando dixit. *Hoc facite in meam commemorationem* de resensibili nullus potest dubitare quis constat sacrum esse rem sensibilem, deinde esse hic immolationem per repræsentationem nō audent negare ipsimet aduersarij.



§. 3. ^{us}

AN CHRISTVS DOMINVS ITA SIT MEDIATOR NOSTER, VT
Sancti nullo modo mediatores esse possint inter Deum & homines.

AFFIRMANT hæretici propter ea quibus vbi etiam de ima quod Apostolus Paulus (inquit) 1. Timotheum 2. versu 5. dicat vnum tantum esse Mediatorem Dei & hominum Christum Iesum. Sed misere errant, nam primo non habet Apostolus vnicum esse tantum Mediatorem, sed illi vocem illam tantum addiderunt 2. quamuis Apostolus haberet eo loco vnicum tantum esse Mediatorem, tamen nihil faceret ille locus contra cultum Sanctorum, quia loquitur Apostolus ibi ex Mediatore per redemptionem, quem vnicum tantum esse fatentur omnes Catholici. *Vnus enim Deus,* (inquit) *Vnus & Mediator Dei & hominum homo Christus Iesus, qui dedit redemptionem semetipsum pro omnibus.* &c.

Probemur ergo contra vos Hereticos sanctorum cultum 1. probatur exemplis scripturæ Abraham adorauit Angelos Genes. 18. idem fecit Lots. Genes. 19 Balaam adorauit Angelum pronus in terram nume. 22. & Iosue 5. hic autem cultus erat plusquam ciuilis; quia isti tantum adorabant quando sciebant esse Angelos, non antea. Rursum Abdias adorauit Eliam 3. Reg. 8. Saul autem Semei 1. Reg. 28 Nabuchodonosor daniellem non repugnantem, Daniel. 3. cum vero iste secundum dignitatem ciuilem longe maiores fuerint ijs quos ado-

rabunt constat adorationem sacra fuisse non sibilem. Nec refert quod Nabuchodonozor ibidem iusserit Danieli offerre sacrificium. Quis cum diserte profiteretur Deum Danielis esse Deum deorum, non ipsi Danieli sed deo Danielis illud afferre voluit vt exponit D. Hieronimi in eum locum. Alij per hostias intelligunt per munera & oblationem communiter dictam quæ hominibus etiam fieri consuevit. Et hæc explicatio conuenit translationi 70. & textui hebraico.

Probatur 2. ratione sancti in cælo regnantes adorari possunt aliquo genere adorationis, illa non est ciuilis: ergo sacra ac religiosa. Maior probatur quia clarum est sanctos esse nobis superiores, omnes autem superiores aliquo genere adorationis adorari possunt siue honorari. Minor probatur nam qualis est excellentia eius quem adoramus, talis est adoratio, adoratio enim est testimonium est excellentiæ; atque excellentia Sanctorum longe nobilior est & alterius rationis quam omnis excellentia aut dignitas humana vel politica, consistit enim in sanctitate perfecta, & optione in filios Dei, cõplectæ beatitudine potestate quæ cæli Reges nominantur, Lucæ. 22. *Ego dispono vobis sicut disposui mihi pater meus regnum.* Quis non videt talem excellentiam incomparabiliter alteriorem esse omni politica excellentia, & per cõsequens adeo rationem quæ ob eam sanctis desertur esse omni adoratione politica subliorem.

Probatur 3. pōssēt authoritate sanctorum PP. quorum plurimos citat vasquez lib. 1. de adoratione disp. 5. cap. 2. sed eos omitto, quia pro nobis esse non negant sectarij, dicunt in hoc lapsos fuisse aut cõsuetudini populari se accommodasse: quod quam vanum sit & impium nemo non videt.

Probatur denique quia ipsi aduersarij vt veritatis conuicti hanc Catholicam doctrinam veram esse fatentur. Et quidem caluinus lib. 2. de reformatione Ecclesiæ expresse ait. Libenter colimus virginem Mariam dominam nostram eo idem docet Lutherus in purgatione quorundam articulorum, vbi ita loquitur. *Cum tota Ecclesia Christiana sentio & iudico, sanctos nobis honorendos esse atque inuocandos.* Scio hos, alibi sibi contradicere Lutherus enim in serm. de mammona ita loquitur *Pro meritibus Petri ne vnum quidem obolunt darem vt me inuaret: seipsum enim adinuare non potest.* Caluinus autem in lib. de ratione reformanda Ecclesiæ ita loquitur. *Omitto Dominum & similes carnifices. Omitto Medandū lubinam, & similes bestias.* Sed in hoc hereticos ostēdunt hoc est lecs & inconstātes. Quæ res quid dicendū sit de reliquis. Possunt ne honorari ac veneratione

Respondeo

Respondeo. Est de fide definitum in Concil. Gangrensi can. 5. & in 7. Synodo actione 7. in Concil. can. 14. & in multis alijs consilijs. 2. constat ex Scriptura ex qua hanc veritatem probat D. Hieronymas contra vigilantium. Nam ex deuteronomij vltimo constat corpus Moysis ita honoratum vt proprijs manibus ipse Deus vel (vt inquit epiphanius haresi 9.) Angeli sepelierint ipse Deus in honorem Elisæi miraculum edidit, suscitando mortuum, cuius cadauer tetigerat ossa Prophetæ 4. Reg. 15. 4. Iosias Rex volens omnem idolatriam & superstitionem euertere: cum multa corpora quæ in monte sepulta erant combussisset 4. Reg. 23. ossa Elisæi & alterius prophetæ seruauit intacta. Superest vltimo loco aliquid de imaginibus dicendum. Vtrum nempe licitæ sint & an sint adorendæ. Et quidem.

Licitas esse est de fide & sæplus dehnitum sed potissimum in duabus synodis generalibus nemque synodo 7. quæ fuit Nicen. 2. expresse conuocata aduersus iconoclastas anno 787. sub Adriano 1. Pontifice, Imperatoribus constantiæ & ireue eius Matre, & tridentino sess. 25. decreto dereliquijs & imaginibus. Et Probatur 1. quia nec ex natura rei nec vlla lege positiua sunt illicitæ. Quod non ex natura rei patet quia Deus in veteri testamento iussit imagines fieri, nempe imagines Chorrubini super arcam exod. 25. & imaginem æneam num. 21. deinde si imagines ex natura rei essent illicitæ ipsa quoque ars pictoris & stuatuaria ex natura rei malæ essent, sicut necromentia & similes at hoc præterquam quod perse absurdum sit, repugnat scripturæ quæ axod. 31. & 36. testatur Deum has artes hominibus infudisse iam quod lege positiua nõ sint illicitæ patet quia nec in scriptura nec alibi constat talis prohibitio: imo Ecclesia semper iussit eas haberi, & hinc.

Probatur 2. experpetuo vsit Ecclesiæ quam primis etiam sæculis de quibus solis dubium esse potest, imagines habuisse constat ex imaginibus varijs Christi quæ tunc existerunt: & quidẽ vt alia omitam, Christus ipse linteo faciei ad noto suam impressit imaginẽ eamque ad Abagarum Regem transmisit vt referunt Euagrius lib. 4. hist. Ecclesiasticę cap. 26. addens illius imaginis præsentia ciuitatem Edeslenam ab incendio fuisse liberatam: Metaphrastes in vita constantini, damascenus erat 1. de imaginibus & alijs.

Iam quod imagines sacræ sint adorendæ probatur 1. ex scriptura. Si quid enim obstarẽt huic adorationi, esset quod imagines sint inanimatæ, atqui iuxta scripturam aliquid inanimatum adorari potest ergo Minor ostenditur 1. quia in veteri testamento iussit Deo arca fæderis &

INDEX CAPITVM ET PARAGRAFO- huius liber tertius.

PARS PRIMÆ. Caput primum.

para. 1. *Quenam sit vera Dei ecclesia in terris.*

para. 2. *An verbi Dei predicatio & legitimus sacramentorum vsus sint vera nota ecclesie.*

para. 3. *Assignatur simul & probantur vera ecclesia nota & proprietates.*

para. 4. *ostenditur predictas proprietates hæreticorum synagoge non conuenire, sed Ecclesie Catholice, romanae, & eam esse veram Ecclesiam.*

Caput secundum.

paragrafus 1. *Ostenditur veram ecclesiam non posse errare in rebus fidei, nec posse esse inuisibilem.*

paragra. 2. *Ostenditur S. petrum super omnes apostolos principium gessisse, fuisseque Ecclesie Christi caput.*

para. 3. *Probatum non minus vniuersa christiana Ecclesia aliquam præstare debere, quam olim præfuerit Sanctus Petrus, Vbi etiam ostenditur talem esse Pontificem Romanum.*

Caput tertium.

paragra. 1. *A quo petendus verus sacrae scripture sensus.*

para. 2. *Quomodo dignoscenda sint sacrae Scripturae Canonicae a non Canoniciis.*

pa. 3. *An sacra scriptura sit obscura.*

para. 4. *An scriptura sacra ita contineat necessaria ad salutem, ut nulla admitti debeant traditiones.*

para. 5. *An scriptura sit index controuersiarum.*

PARS SECUNDA

caput primum.

para. 1. *Quid sit sacramentum.*

para. 2. *Reueniatur definitio sacramenti quam adfert Calurnus.*

para. 3. *de numero Sacramentorum.*

Caput secundum.

para. 1. *An baptisimus sit necessarius ad salutem & an baptisimus Christi sit idem cum baptismo Ioannis.*

para. 2. *Quid fiat de pueris baptizatis ante usum rationis de credentibus.*

Vbi etiam de Limbo Patrum & Purgatoriis.

Caput tertium.

paragr. 1. *Vtrum detur aliquod proprie dictum Sacramentum Penitentiae.*

Vbi etiam de contritione, oris Confessione, ac satisfactione & actibus.

para. 2. *Vtrum iusti bonis operibus mereri possint gloriam.*

Vbi etiam disputatur an homo sit liber.

Caput quartum.

para. 1. *An Christus Dominus sit realiter praesens in sanctissimo Eucharistiae Sacramento.*

para. 2. *De institutione in diuini sacrificij Missae.*

Vbi ostenditur in Missa veterum sacrificium Deo offerri.

para. 3. *An Christus Dominus ita sit mediator noster, ut Sancti nullo modo mediatores esse possint inter Deum & homines.*

APPROBATIO.

Opus istud, cui inscriptio est DE STATV HOMINIS, VETERIS SIMVL AC NOVÆ ECCLESIAE, ET INFIDELIVM CONVERSIONE, non modò vel cum generali Ecclesiæ sententia, vel cum saluberrima fidei doctrina, vel cum probis moribus & vitæ sanctimonia sentit & conspirat vehemenrer; sed multa passim offenduntur in eo, quæ ad historiæ cum sacræ, tū profanæ notitiam pertinent, scitè eruditè commemorata, & acutè disceptata. Tam pius proinde labor, utilis tersus & eruditus in lucem tuto proferatur. Ita sentimus nos Doctores Theologi Parisienses.

F. Stephanus Reuerdy
Augustinensis.

IOANNES LAISNE'